

陽復齋叢刊之十

陽復齋待偈



三集

陽復齋叢刊書目

單行本
十七種

婺源江謙著

受業堦游有維編

靈峰儒釋一宗論

陽明致良知學

東坡禪學詩文要解

儒佛合一救劫編

佛儒經頌

小學三字經注解

正學三字頌箋注

陽復齋詩偈初集

陽復齋詩偈續集

陽復齋詩偈三集

陽復齋文集

儒佛一宗主要課講義

易園居士講演集

安徽佛門龍象傳

說音

夢遊記恩詩

宏法聯語

右(一)(二)(三)(五)(十)
(十二)(十六)(十七)共八
種。俱由上海靈峰正眼印經
會印行。(四)(七)(八)(九)
(十一)共五種。皆上海佛學
書局印行。第(六)種。上海法
雲印經會印行。第(十三)種。
蘇州宏化社印行。第(十四)
種。安慶安徽通志局印行。第
(十五)種。上海中華書局印
行。內(四)(十一)(十三)之
三種增訂本。尚未印行。

陽復齋詩偈三集題詩

彌天花雨灑芬陀。四色玲瓏徧界多。濟世語言乘簡策。資生文字著絃歌。以詩說法成真諦。觸目驚心普太和。讚歎西方諸淨土。臨終感應捨娑婆。

一吼堂圓瑛敬題

自題

無德如何妄有言。佛言聖語本天然。欲令記憶無忘失。化作山歌五七言。無德如何妄有言。兒童初步易危顛。炎風狂熱難禁受。一瓊清涼入德泉。無德如何妄有言。衆生血淚愬無緣。高高仁者忙中暇。得此悲吟動慙憐。無德如何妄有言。當頭浩劫實空前。佛儒因果應傳說。衆善能回不定天。如是詩詞非我出。我心如鏡空中懸。因緣會合成文字。鏡影空花數百篇。觀宗諦師何因緣。一序妙印如來禪。謂如壺盧轉轉面。又如水銀顆顆圓。印師蓮虎何因緣。審定流布施香錢。謂堪讀此入聖域。作詩五首光其巔。涓涓小流遂入海。助印多賴諸仁賢。百年殺業受苦報。修羅徧擾東西天。劫後當開圓覺路。佛儒古月將重圓。獻芹獻曝初續集。拜手更獻茲三編。靈峯大師千古論。一宗儒佛毋畸偏。離則兩傷災禍出。合則雙美光無邊。羲農堯舜速周孔。古佛應世開其先。儒是佛家真骨髓。大學首卷尤圓詮。佛是儒家

圓滿教。普賢十願。賅華嚴。叢林學校同參誦。能使家國多英賢。衆生佛性本來具。性具修顯資良緣。此集導游真性海。種入八識生金蓮。自慚學語同鸚鵡。願向身心共著鞭。奉持三歸三德具。不破五戒五常全。孝弟慈悲與勤儉。重興儒佛真園田。更願攝心持六字。同生極樂法王前。脫却輪迴塵垢襖。十方來往無拘牽。願將無盡音聲海。謳歌讚歎天中天。

陽復齋居士江謙謹撰 庚辰仲秋

陽復齋詩偈三集目錄

總目

- 一 淨土
- 二 大乘
- 三 題贈
- 四 感託
- 五 友聲集

陽復齋詩偈三集

陽復齋居士江謙著

一 淨土

心之實相頌

辛巳秋在滬、應融五講經社之請而述此頌。孟子曰、夫道一而已矣。一卽生天生地、古今聖凡不二之真心。現前一念、卽其用也。知心則知一切法矣。修淨業人、從此悟入、方能深信切願篤行。

人生百年。所見無量。所不見者。唯此真心。唯此真心。乃是真我。非此無視。非此無聽。非此無言。非此無動。乃至非此。無四大身。此四大身。是心工具。如所居屋。如所著衣。衣敝屋壞。棄舊易新。此心主人。何曾生死。淨若虛空。明於日月。不生不滅。是心之體。豎通三世。橫徧十方。無量無邊。是心之相。萬劫不變。而善隨緣。隨緣幻現。而體不變。放之六合。藏之無形。不疾而速。不行而至。是心之用。體相用三。曰心三大。心徧十方。故感諸佛。心通三世。故具因果。心隨緣故。歷受輪回。心本淨故。終當成佛。尊之曰神。謚之曰聖。讚之曰妙。美之曰靈。曰佛曰儒。曰禪曰淨。曰律曰教。曰回曰耶。曰智曰愚。曰貴曰賤。男女老少。善惡妍媸。禍福壽夭。喜怒哀樂。經史子集。歌曲詩文。乃至世間。森嚴萬象。出種種名。現種種相。如淨寶珠。置五色盤。隨方現色。皆幻非真。又如真金。隨緣現相。金佛金人。金盤金獸。而此金質。不變爲銅。雖成佛道。此心不增。雖墮三途。此心不減。是故佛性。喻如金剛。一切衆生。皆具佛性。心佛衆生。三無差別。升降之

機。唯此一念。淨念作聖。妄念作狂。欲不念狂。莫如念佛。佛無量光。佛無量壽。當知念佛。是念真心。雖生淨土。不出心外。心無邊故。願生卽生。念隨外緣。而生分別。如鏡中影。是六塵緣。(色聲香味觸法名曰六塵)緣淨影淨。緣穢影穢。而此鏡光。清淨不動。影以喻念。鏡以喻心。心念之體。念心之用。體用雖分。二而不二。立人之道。曰仁與義。仁義之體。體不變故。故曰居仁。義仁之用。用隨緣故。故曰由義。仁主平等。義主差別。仁卽惟一。義卽惟精。仁卽明德。義卽親民。仁卽致知。義卽格物。仁卽慈悲。義卽方便。仁卽妙止。義卽妙觀。佛儒中道。仁義而已。儒詳世間。佛詳出世。施有廣約。體用無殊。不知儒者。何由知佛。亦惟學佛。然後通儒。離則兩傷。合則雙美。儒禪教律。惟是一心。熟此一篇。通一切法。心外無法。法外無心。心法大師。靈峯宗論。佛儒學者。細讀深思。偈以明之。偈云

萬象皆由想念成。如心畫物物成形。六凡四聖皆心畫。諸佛當初也衆生。比如金佛或金人。金獸金盤總是金。遇匠隨緣能萬變。何曾金性變爲銀。彌陀六字甚深禪。一念能教萬念捐。無量光明無量壽。春耕秋穫自心田。儒佛孫枝心量小。靈峯宗論大醫王。儒禪教律分張病。賴此和中活血湯。

醒世歌

世間事。像做戲。仔細思量不要氣。做戲時。鬧烘烘。到下臺時都是空。世間事。像做夢。仔細思量不必悶。昨夜夢。今朝醒。夢中苦樂沒渣影。不要氣。念彌陀。保你念得笑呵呵。朝彌陀。夜彌陀。保你煩惱盡消磨。

記在心。念在口。保你遇事都順手。念彌陀。念本心。所以事事皆應心。念彌陀。念父母。佛是衆生大慈父。臨命終。佛放光。親身來接到西方。萬人修。萬人去。不分貴賤與貧富。極樂國。真個好。滿眼看來都是寶。黃金地。七寶池。七寶蓮花真希奇。喫自然。著自然。祇要一想就現前。金銀碗。瑪瑙盤。喫了化去不須搬。瓔珞飾。珍珠衣。祇要一想隨身披。諸善人。會一處。菩薩同我做伴侶。種種鳥。種種樹。妙法說來真有趣。福無量。壽無邊。勝過諸天萬萬千。要修佛。決定成。成佛還來度衆生。度衆生。出苦海。一句彌陀無價寶。要恭敬。要至誠。自然得見佛光明。多喫素。多放生。臨命終時業障輕。勸大家。念彌陀。國自安寧家自和。勸大家。念彌陀。禍自消除福自多。勸大家。念彌陀。免得無常鐵鎖拖。畜生苦。餓鬼苦。地獄之苦。苦中苦。業報來時沒奈何。不如趁早念彌陀。

彌陀淨土超越諸方讚

十方諸佛土。等一無差池。寶地寶樓閣。寶樹高巍巍。極樂超殊處。上善多師資。一生補處者。算數所難知。見阿彌陀經故稱大乘界。不落小根機。見天親菩薩往生論寶林與水鳥。說法隨時時。皆是佛神力。變化爲檀施。以此精進速。晝夜無停疲。以此成佛速。不歷阿僧祇。十地能頓超。不待階升爲。是以華藏衆。皆願親阿彌。普賢十願王。第一蓮宗師。見華嚴經普賢行願品十方諸大士。聯袂生蓮池。而况聲聞衆。而况天人資。比如萬川水。指海爲歸期。巨川且西赴。溝澮咸隨之。西土聖賢錄。龍象紛如糜。自晉至今世。往者肩相隨。皆有瑞

應相。豈盡虛無詞。可知彌陀土。最契羣生機。生他佛國者。閔若晨星稀。是以十方佛。共讚難思議。平聲讀儀。

詩經。無非無議。十念得往生。此妙豈容思。因乘佛願力。容易而希奇。佛願衆生願。比如針與磁。佛入衆生願。

衆生入佛慈。兩心本一心。光光合無違。一念凡聖分。此義最淵微。故稱難信法。惟佛能究知。既生淨土

已。惡種無餘遺。衆生本佛性。佛故垂深悲。人命呼吸間。經咒不及持。惟有彌陀名。呼吸能相依。自揣罪

山積。難逃阿鼻羈。欲避閻王路。捨此將安之。藥師東方國。淨妙如琉璃。欲生極樂者。佛願助成之。鏘鏘

入菩薩。示路開其迷。見藥師經。笑師高足弟。第一數窺基。亦讚彌陀土。天宮非所希。釋尊告彌勒。猶勸西

方歸。補處尙如是。而我何人斯。見無量壽經。萬牛不可挽。一意無紛歧。況一卽一切。華嚴不我欺。西方卽

十方。此樂尤無涯。讀宜。清晨獻花去。徧供天人師。見阿彌陀經。十方諸佛土。不出心藩籬。性具假修顯。故當

念在茲。雜散專乃成。故當念阿彌。東西在一心。空際微雲飛。當知無量光。當知無量壽。卽相卽自性。卽

佛卽良知。旦暮香光中。身口意兼持。因持出世法。世法咸清夷。比如西山日。東照增光曦。同修戒定慧。

同息貪瞋癡。消災益福壽。所之無不宜。家國與天下。六字成雍熙。願言諸佛子。淨念無多疑。

念佛亦須觀佛偈勸兼持十六觀經

身到含元殿。不必問長安。此讚念佛勝。不假修餘觀。既御含元殿。亦須闢四門。亦須明四目。亦須達四聰。觀明念愈篤。理澈事圓融。佛說彌陀經。先示觀方便。佛說十六觀。亦教持名念。要令念與觀。打教成

一片能使信願行。自然非強勉。細觀良甚難。粗觀益豈鮮。極樂寶莊嚴。明如鏡照面。此鏡豈伊他。性具因修顯。諦公誦觀經。及普賢行願。懃懃四十年。先後無疲厭。臨終瑞象呈。上品蓮花豔。因是頌觀經。助作生西券。陽復齋佛儒經頌中。有觀無量壽佛經頌。

淨土華嚴二宗互攝讚

本滿益大師贈莊聖西詩謹易叶韻數字以便讀者

彌陀卽是毘盧師。極樂卽是華藏界。八萬四千相好中。一一具足剎塵相。西方一一微塵中。具足差別世界種。是故普賢大願王。究竟導歸安樂邦。同居淨故四俱淨。橫超自在無與並。若人深信淨土門。始是深悟華嚴宗。若人法界觀圓明。方肯熾然求往生。法界非往非不往。順悉檀故名爲往。法界非生非不生。順悉檀故名爲生。如是往生照而寂。圓頓了義無倫匹。

滿益大師云。修淨土者須究華嚴。究華嚴者須修淨土。此詩曲盡二宗互攝之妙。

普勸六齋十念免劫生西詩

免劫消災無別法。長齋念佛念觀音。六齋十念終身願。也是西方佛國人。罪多福少生今世。及早修行種福因。六日清齋福無量。況能日日到終身。臨終十念許生西。此是彌陀誓願詞。何況天天能十念。臨終決定到蓮池。得託觀音千手庇。奇災橫禍不臨身。但須日日常稱念。莫待臨危始發心。

最好放生兼戒殺。大凡有命勿傷殘。人心一轉天心轉。他命安時你命安。

西方券 又名念佛吃素免劫生西解

世人不念佛。多是不知解。我今作一歌。解與人人曉。南無是歸依。彌陀西方佛。歸是到西方。依是靠了佛。阿字卽是無。彌陀卽是量。阿彌陀如來。無量光壽佛。我心無量光。我心無量壽。一句阿彌陀。真心亦眞佛。真心無有邊。真心無有外。西方萬億程。不出心之外。真心是一個。佛與衆生同。佛在我心內。我在佛心中。生西是我心。不是這皮殼。我心念彌陀。我心在極樂。一念阿彌陀。已生極樂國。猶疑不得生。豈非自障礙。一念阿彌陀。已在佛面前。猶疑極樂遠。豈非自倒顛。日日彌陀佛。日日生西方。臨終上熟路。神志不慌張。西方眞個好。福樂勝天堂。天堂福有盡。極樂壽無量。西方眞個好。大地淨琉璃。黃金間道路。金碧交光輝。西方眞個好。寶樹寶蓮池。解脫輪迴縛。十方隨所之。西方眞個好。七寶大講堂。彌陀常說法。聖衆圍四旁。西方眞個好。諸上善人俱。不聞惡名字。何況苦三途。欲知西方好。請讀彌陀經。讀之生極樂。萬修萬人生。天帝與天王。不及生西福。臨終助生西。千萬不可哭。一哭心散亂。生西事不成。陷親墮苦海。豈是孝慈情。生世數十年。幾人不食肉。不得生西方。終當墮地獄。欲知地獄苦。但看庖廚因。割剝與湯火。萬刑痛攢心。自因故自果。禍來無處躲。莫怨閻羅王。作受皆由我。太平吃肉人。造出刀兵禍。刀兵是苦花。地獄是苦果。地獄百千劫。餘報猶未清。復墮餓鬼道。不聞漿水名。餓鬼罪報滿。更須變

畜生。償還諸命債。方得復人形。雖得復人形。貧窮而下賤。多病壽半天。耳聾眼無見。吃肉苦太多。不如吃素好。省費免災殃。除病除煩惱。戒殺盜邪淫。戒妄語飲酒。五戒得人身。人身難得有。一戒五菩薩。晝夜常保護。五戒二十五。菩薩來保護。人人能念佛。個個能持齋。現前災劫苦。不避而自消。念了彌陀佛。常念觀世音。觀音千手咒。隨處現威神。欲知觀音力。請讀普門品。三十二應身。說法妙無盡。觀音與地藏。救劫大醫王。釋尊未度衆。付與地藏王。欲知地藏願。請讀本願經。願消地獄苦。超向蓮花生。更有七如來。功德不可數。三稱七佛名。離却千生苦。家家誦此券。人人要修行。同轉空前劫。同生極樂城。

西方道情

阿彌陀佛、佛中之王、他發了四十八願、願願是普度慈航、修行了百千萬劫、成就個極樂蓮邦、黃金爲地、七寶蓮池、七寶樓閣、處處是金碧輝煌、還有那珍珠、瑪瑙、珊瑚、琥珀、寶樹成行、一陣陣清風微妙、一聲聲天樂鏗鏘、和白鶴、孔雀、鳧雁、鴛鴦、種種是說法音聲、聽得來神怡心曠、要接引癡迷苦惱的衆生、都叫他回向、不煩忙、但念得阿彌陀佛、行坐不忘、直到臨終、清清爽爽、教家人、休啼哭、鬧亂心腸、把六字洪名、助念得分明瞭曉、便看見聖衆現前、自家身兒、端坐在蓮花之上、生到西方、勝過天堂、壽命無邊、光明無量、更不來幹這輪迴的勾當、終日裏觀音、勢至、菩薩、羅漢、相聚一堂、便下品生的、也修得佛一般兒三十二相、還要來這苦海中、宏施法網、撈出那念佛衆生、都送到蓮邦岸上、那其時分身無數、

徧滿十方。却又穩坐蓮臺。不離安養。恰似個一輪明月。普印千江。

答問專念彌陀不知經咒能否生西

念佛是正行。經咒是助行。一聲阿彌陀。譬如喫飯。念咒與念經。譬如喫菜。菜可多可少。亦可有可無。止要有飯喫。生命得安全。念佛得成佛。是正因正果。如種瓜得瓜。如種豆得豆。諸佛智慧海。皆從念佛生。何況阿彌陀。諸佛所讚歎。何況阿彌陀。教我專持名。彌陀萬德名。一名該萬德。臨終但十念。許我生西方。何況萬與千。何況天天念。但念阿彌陀。卽斷輪迴念。但念阿彌陀。能發本性光。但念阿彌陀。已生極樂國。若能日日念。卽是日日生。千萬勿懷疑。反致生邊地。生彼五百歲。不見佛法僧。但生懺悔心。卽見彌陀面。奉勸修行者。六字勝千經。

淨土實語

彌陀放光。時時接引。衆生歸佛。念念生西。一日念佛。一日生西。日日念佛。日日生西。佛事設施。皆西方業。佛事同人。皆西方人。佛事行動。皆西方路。故觀經云。是心作佛。是心是佛。澈悟禪師語云。卽念佛時。卽見佛時。卽成佛時。卽求生時。卽往生時。卽度生時。三際平等。一念圓融。如是深信。速成菩提。不待命終。已生蓮國。一室道場。卽全境道場。卽全國道場。卽全世界道場。卽全十方道場。以我真心。無有邊故。十方諸佛。十方衆生。皆在心中。隨緣而現。求佛度生。惟此一念。豎窮橫徧。不出一心。一禮一念。皆願衆

生。諸惡莫作。衆善奉行。同出輪迴。同生極樂。願力廣大。成就大悲。上品往生。早成正覺。

念佛祝願偈 凡朝暮課時，於誦經念佛後，可接念此偈。

祝願我祖先。及我慈父母。親族與師友。乃至法界衆。同燃懺悔炬。同發菩提心。同悟文殊智。同修普賢行。家國悉安寧。災難皆消滅。生則備五福。歿則登九蓮。同蒙佛接引。往生極樂國。已生西方者。見佛蒙授記。早成無上道。普度諸衆生。

懺悔炬

佛法最重懺悔。懺悔能滅。善提心。譯云覺心。就是自文殊智普賢行。文殊菩薩稱

薩稱大行。此二菩薩。皆分身。十。五。福。曰。攸。好。德。五。曰。考。終。命。富。能。給。用。壽。能。悠。久。成。事。不。倦。快。樂。甯。是。安。穩。攸。好。德。而。善。終。及。超。生。淨。土。九。蓮。謂。生。西。方。人。功。德。差。別。蓮。花。較。遲。下。品。尤。遲。故。祝。願。期。早。得。見。佛。開。法。蒙。佛。授。記。早。成。佛。道。普。度。衆。生。也。

又祝願偈

祝願中華民國。乃至世界諸邦。政府宏揚儒佛。全國皈依三寶。三寶威神。加被內災外患消除。人人安居樂業。各各念佛持齋。修身齊家治國。乃至天下太平。普與法界衆生。同生西方極樂。

答疑放下萬緣一心念佛之難

不須放下萬緣。止要毋忘念佛。譬如三餐茶飯。何曾廢却他緣。惡緣化作善緣。穢念轉爲淨念。路路還

家皆得。緣緣都是道場。敬爲能人之門。信是能得之手。願是馭舟之舵。行如貼體之衣。閒忙俱可隨緣。坐臥不妨憶念。要在心身並課。方爲理事兼修。含裹十方國土。本來心性無邊。極樂具在性中。非修無由顯現。不現蓮池寶樹。便現劍樹刀山。皆由一念化生。是故常須念佛。平日殺生喫肉。惡緣已是甚深。若非親近彌陀。難免閻君算帳。親愛終須離別。輪迴各各無窮。何如一念回光。同入彌陀願海。永作菩提眷屬。同歸極樂家鄉。九品咸許橫超。豈獨於我無分。此法至圓至頓。三根曾被無遺。菩薩猶願往生。惡逆亦堪乘願。是故當來法滅。此經獨留百年。會歸極樂洪爐。無不轉凡成聖。人身難得已得。佛法難聞已聞。莫教錯過此身。是故殷勤相勸。

呼吸念佛偈

唐飛錫大師呼吸念佛法，爲修淨土之密行，亦爲養心養氣之妙法，可參讀大師念佛寶王三昧論，及孟子養浩然之氣章。

不忘呼吸念彌陀。坐臥行居憶佛多。最是寶王三昧法。命終隨此出娑婆。不忘呼吸念彌陀。熱惱潛消意氣和。佛號心光融一息。已牽鼻孔出娑婆。一行三昧擬文殊。鼻孔中藏不夜珠。無量光明供一吸。此心此氣徧空虛。

呼吸念佛，分甲乙丙丁戊五種。甲法南無阿彌陀佛六字一呼。乙法南無阿彌陀佛四字一呼。丙法阿彌陀佛四字一吸，四字一呼。丁法阿彌陀佛二字一吸，戊法阿彌陀佛二字一呼。阿字一吸，彌字一呼。陀字一吸，佛字一呼。各自隨時方便用之，氣愈緩，心愈定，念愈分明。

行步念佛偈

不忘行步念彌陀。脚底隨生七寶華。但憶琉璃清淨地。此心已不在娑婆。

飲食念佛偈

不忘飲食念彌陀。見色聞香妙意多。但覺舌根餐法味。青蔬白飯變酥陀。酥陀是味

應接念佛偈

不忘應接念彌陀。愛語和顏勸讚多。過去六親今後佛。持齋念佛莫蹉跎。

贈念佛同人

舌根有福稱三寶。胸臆無塵貯一眞。一句彌陀爲慧命。娑婆界裏樂邦人。

禪淨圓融偈

莫勞分淨與分禪。分淨分禪兩未圓。淨本攝禪禪攝淨。一輪月徧萬千川。

土淨本從心淨現。一心六字透禪關。禪心廣大無邊際。豈把西方隔別觀。

無量光明無量壽。蓮經一卷甚深禪。卽心卽佛分還合。空假中三一念圓。

念佛者誰休更問。是心作佛佛莊嚴。入門親見慈悲父。何必敲門更用磚。參念佛者誰、如敲門磚、今知是心是佛、何用叩門。

最要禪門修淨土。才言淨土已賅禪。一胞雙孕眞圓妙。七寶莊成自性蓮。

老實念佛不勞參。究念佛者誰偈。意本滴益大

明人日下豈須燈。盲者雖燈也不明。妙喻無雙兒憶母。光光相映寶蓮生。

歎愚癡勸醒悟早念佛早喫素偈

勸他早喫齋。多云喫不得。女嫁與男婚。還有惡未積。預備殺生靈。葷酒來宴客。病痛與災殃。還有苦未喫。不早喫齋素。便是等苦喫。大難正臨頭。朝暮保不得。不早懺殺業。禍來免不得。閻王捉將去。要叫還他喫。四兩還半斤。定須加債息。墮入地獄中。苦更受不得。煬銅熱鐵丸。不喫也要喫。豈容緩數年。再把齋來喫。這是鬼迷心。勸他醒不得。當知喫葷腥。多是鬼要喫。鬼去要喫齋。阻他阻不得。要送迷心鬼。念佛最有力。鬼聞佛聲音。冤牽都解釋。送他西方去。他也感我德。念佛業障消。念佛承佛力。念佛心慈悲。殺生忍不得。葷口亦可念。慚愧生功德。若怕葷口罪。心念時時得。但勸多念佛。自然要齋喫。十齋或六齋。早齋更易喫。午前好念佛。半日皆功德。若怕長齋難。一月一月喫。習慣成自然。肉氣聞不得。從此出輪迴。壽命無窮極。成佛度衆生。包你般般得。一句阿彌陀。無邊功德力。佛法寶中王。此寶尤難得。

地藏聖誕節在三餘蓮社普爲諸農田及水族被傷蟲類衆生持念地藏聖號虔修供養懺悔罪障求生淨土願文

一切衆生。形異性同。性常不變。形轉如輪。念有善惡。爲轉之根。佛言往劫。曾爲小蟲。蟲能成佛。此義難聞。一切衆生。皆未來佛。如何不敬。反加瞋害。又於過去。曾爲父母。如何背恩。反加荼毒。害他害我。因果

必然恃強凌弱。獲罪於天。雷震異常。可知天怒。若不懺悔。有禍無福。地藏菩薩。菩薩之尊。恭敬供養。獲福紛紛。以此福利。回向諸蟲。得生善道。解脫罪根。更復歸依。阿彌陀佛。永出輪迴。生極樂國。精進不退。直至成佛。求禍求福。同此一心。人心向善。卽合天心。千災消滅。百福齊臻。願祈大士。聽我懺悔。並乞三寶。證知攝受。

書贈海門長興鎮無量寺

欲往西方便起程。恆沙勸讚佛陀聲。輪迴長夢而今覺。好向蓮池結隊行。

靈山請雨偈

山在婺源縣東鄉。唐慕真禪師始開闢。道場嶺高十里多勝景。爲一方之尊。

稽首佛法僧三寶。及我靈山大祖師。人心不善天降災。貪癡成水暝成旱。從身語意之所生。一切我今皆懺悔。皈依三界天人師。大慈大悲拔大苦。一切天龍咸聽命。十方凡聖盡皈依。而今旱狀徧諸方。農民辛苦將虛棄。求沛甘霖濟枯旱。高低泉水盡疏通。山園田畝獲豐收。盜匪消除民安靖。當報四恩宏淨法。普施法雨被三根。心心清淨復和平。家家孝慈並勤儉。盡此報身生極樂。光明無量壽無邊。

或問西方清淨國土何以亦須七寶莊嚴偈以答之

西方念念惟三寶。七寶金珠土木看。一部蓮經如此悟。頓開聖解脫塵寰。須知淨法攝三根。俗子金珠念滿胸。七寶鈞綸垂手鈞。旣生佛土自圓通。

賀新年歌

恭喜新年勝去年。須知由我不由天。持齋戒殺居安宅。救苦施貧買福田。勤讀經書真富貴。敦行孝弟是英賢。時時一句彌陀佛。念念莊成七寶蓮。

元旦好話

天下第一好話。南無阿彌陀佛。人人福慧雙修。個個衆生成佛。

新年供財神歌

三寶家中七聖財。華嚴經戒信慚愧。開施慧爲七聖財。天然富貴性中該。取之無盡施無盡。一句彌陀鎖鑰開。

刀兵歎

自古茫茫大地。鬪爭幾輩英雄。究竟大地依然。試問英雄安在。浪擲頭顱血肉。無非冤報相償。都因吃肉殺生。種下彌天大劫。何不皈依三寶。同尋極樂家鄉。一聲萬德洪名。消却無邊苦海。

南無阿彌陀佛。即是歸依無量光佛。歸依無量壽佛。此歸依之一念。即是衆生無量光無量壽之本來佛性。無量光。是寂而常照。無量壽。是照而常寂。卽心卽佛。卽因卽果。卽他卽自。卽所卽能。依此念佛。自然空假雙照。如日出暗消。而此念佛三昧。本諸阿彌陀經。是釋迦本師教內真傳也。比參一句念佛者誰。顯晦天淵矣。

無量光明無量壽。雙雙兩句照分明。卽心卽佛融因果。全自全他泯所能。兩扇門開休打瓦。一輪日出
不須燈。欲知三昧從何得。一切如來護念經。

懇勸念佛持齋救劫

諸佛慈悲不思議。衆生業力不思議。譬如赫日照人間。門窗緊閉幽如漆。
一念悲哀求懺悔。速如開戶納陽光。持齋念佛真誠願。最是臨危解救方。
大難臨頭正此時。葷腥烟賭尙貪癡。一朝炸燬成灰燼。到此悲哀悔已遲。
遇死臨危盡痛呼。忍將血肉當瓜蔬。花齋數日神呵護。况肯終身斷肉乎。
佛念衆生娘念兒。聲聲佛號阿娘知。兒今痛苦呼娘救。那有娘心不痛兒。

畏果莫如斷因偈

若怕飛機炸彈。請勿吃鷄吃蛋。吃鷄吃蛋笑呵呵。炸彈飛來可怕啊。菩薩怕因常吃素。衆生怕果奈他
何。

若怕海軍砲射。勿吃魚蝦蟹鱉。魚蝦蟹鱉吃得。多砲艦來時沒奈何。斷得惡因無惡果。大家吃素念彌
陀。

若怕陸軍燒殺強。請君勿吃豬牛羊。吃豬吃牛並吃羊。燒殺災殃不可當。惡果自招須自轉。家家辦個

素廚房。

海陸空三花報苦。三途果報苦無量。要逃地獄畜生餓鬼三途苦。更須念佛到蓮邦。

二 大乘

佛寶讚

佛寶法寶二讚，皆因舊讚修正。

佛寶讚難窮。功成無量劫中。巍巍丈六紫金容。證道雪山峯。眉際白毫光燦爛。照開六道昏蒙。至誠恭敬便相逢。融合如虛空。蓮池海會願隨從。親入法王宮。

法寶讚

法寶寶中王。如來金口宣揚。聖衆天龍同供養。晝夜誦琅琅。五戒三皈修六度。自他普度慈航。初來東漢盛於唐。萬古無邊光。淨土一門尤普被。念佛到蓮邦。

僧寶讚

僧寶衆中尊。稱揚無量法門。文殊普賢觀自在。威德信無窮。尊者目蓮舍利弗。靈山海會雲從。歷代祖師宏正法。佛日永瞳矐。地藏慈尊尤大願。地獄誓教空。

集涅槃華嚴無量義三經讚佛偈

讚釋迦佛亦通讚諸佛

天上天下無如佛。十方世界亦無比。世間所有我盡見。一切無有如佛者。

佛身充滿於法界。普現一切衆生前。隨緣赴感靡不周。而恆處此菩提座。
四諦六度十二緣。隨順衆生心業轉。有聞莫不心意開。無量生死衆結斷。

藥師佛讚

藥師如來琉璃光。琉璃國土居東方。十二願王常普度。定中說咒光汪洋。莊嚴清淨同極樂。化度菩薩無邊量。衆生常持佛名號。戒全壽永安而康。小乘轉大魔外化。消災護國生千祥。功德莊嚴說不盡。釋尊金口親稱揚。日月光二徧照。左右輔弼獅中王。命終導歸極樂國。八大菩薩聲鏘鏘。面見彌陀佛中佛。再入濁世爲慈航。

法華經日月燈明佛讚

佛名能表全經義。權實光融日月燈。二萬世尊同一號。同宣一乘妙華經。日月燈光、皆是妙真如心。所顯現、故相異性同。
釋尊入定放光時。大智文殊已了知。妙法得聞非易易。低頭舉手佛成時。

微言引起荆公問。日月燈明豈等同。治國齊家皆佛法。開儒顯佛賴靈峯。靈峯、溝益大師、倡儒佛一宗議、實本法華妙旨。
王荆公問呂惠卿、燈光豈能配日月、
呂謂日月所不能照者、非燈不明。

七佛讚

七佛世尊。慈悲願力。千佛出世。讚莫能窮。三稱其名。千生離苦。謹爲之頌。以便作觀。誠明心見性。發

大乘心導歸極樂之要妙也。

南無多寶如來 本性具足多寶故。 諸佛具足多寶故。 普願衆生得多寶。 是故歸依多寶尊。

南無寶勝如來 性爲寶中之勝故。 諸佛寶中之勝故。 願衆生得寶中勝。 是故歸依寶勝尊。

南無妙色身如來 本性是妙色身故。 諸佛皆妙色身故。 願衆生得妙色身。 是故歸依妙色尊。

南無廣博身如來 本性是廣博身故。 諸佛皆廣博身故。 願衆生得廣博身。 是故歸依廣博尊。

南無離怖畏如來 性離一切怖畏故。 諸佛皆離怖畏故。 普願衆生離怖畏。 是故歸依離畏尊。

南無甘露王如來 性是甘露法王故。 諸佛皆甘露王故。 普願衆生餐法味。 是故歸依甘露王。

南無阿彌陀如來 性是無量光壽故。 諸佛光壽無量故。 普願衆生極樂。 是故歸依阿彌陀。

六大菩薩讚

我願學文殊。塵勞成淨行。行住與坐臥。願願攝衆生。我願學普賢。受持十大願。導歸極樂國。面見阿彌陀。我願學觀音。普門現神通。三十二應身。尋聲救諸苦。我願學地藏。救度盡未來。十方地獄空。而我乃成佛。我願學彌勒。慈心不食肉。三界唯識變。知幻悟圓成。我願學勢至。念佛證圓通。普攝念佛人。同歸於淨土。

文殊

詳華嚴經第十卷淨行品。

普賢

詳華嚴經末後普賢行願品。

觀音

普門即圓通之門也。詳法華經第二十五觀世音菩薩普門品。

地藏

地藏。在忉利天宮。受釋迦如來之囑。累普度未度衆生。詳地藏本願經。

文殊菩薩讚

文殊菩薩諸佛母。三世如來推佛祖。文殊菩薩菩薩師。十方菩薩咸皈依。文殊菩薩乘獅王。獅王一吼諸魔降。文殊左輔佛智海。普賢右弼佛行門。十方如來所在處。是二大士皆隨從。華嚴文殊淨行品。普願衆生清淨同。以此圓因歸極樂。助生上品蓮花中。

普賢菩薩讚

閻浮衆生三障重。普賢白象示三觀。白示空觀象示假。空假雙照卽中觀。象身廣大普賢門。象步虛空如來座。懺悔六根千劫罪。晞如霜露曝朝陽。六牙六度度羣生。十大願王歸極樂。華藏蓮宗最初祖。我今稽首永歸依。

觀音菩薩讚

此讚舊有今爲修正

觀音菩薩妙難儔。清淨莊嚴累劫修。浩浩金蓮安足下。巍巍神力福闍浮。瓶中甘露常遍灑。手內楊枝不計秋。千處祈求千處應。娑婆極樂作慈舟。

觀音菩薩讚

意本楞嚴經、楞伽經、大悲陀羅尼經、法華經普門品。

大士反聞聞自性。聞思修入三昧林。大智無邊觀自在。大悲無量觀世音。尋聲救苦威神力。三十二應

意生身。千手護持千眼照。故應頂禮共歸心。

意生身

謂隨意化生之身。見楞伽經。

地藏菩薩讚

意本地藏本願經。十輪經。

地藏菩薩願無窮。化現金身處處分。六道三途聞妙法。聖凡十界感深恩。明珠照徹西方路。金錫振開地獄門。三世如來同讚歎。十方菩薩禮蒸尊。地藏十輪經。大集會中一切聖衆。手中皆現寶珠。光照十方佛土。佛言地藏菩薩將至。故現此威神。

地藏菩薩頌

節錄地藏十輪經佛讚地藏菩薩偈

地藏真大士。具杜多功德。

杜多即頭陀苦行

七聖財

戒信慚愧開施慧

伏藏。無畏佛音聲。諸菩薩勝幢。衆生之導

首。與怖者爲城。如明月示道。生善根如地。破惑如金剛。一日稱地藏。功德大名聞。勝俱抵劫中。稱餘智者德。衆生宿惡業。刀兵病饑饉。隨所在惱害。皆能令解脫。衆生五趣身。諸苦所迫切。歸敬地藏者。有苦悉皆除。衆生乘苦輪。展轉相違害。歸敬地藏者。皆住忍慈心。諸煩惱所覆。樂行十惡業。歸敬地藏者。煩惱惡皆除。現作種種身。爲衆生說法。具足施功德。悲愍諸衆生。假使百劫中。讚說其功德。猶尙不能盡。故皆當供養。

當來彌勒尊佛讚

意本楞嚴經。彌勒下生經。慈心因緣不食肉經。

彌勒菩薩稱慈氏。發大悲心斷肉始。爲求濁世免刀兵。誓願不食諸衆生。了知唯識生萬法。兜率天宮

今說法。瑜伽百卷光中來。性中法相深通達。當來彌勒下生經。龍華三會度羣萌。娑婆大地黃金色。人壽八萬修善行。皆我本師釋迦佛。所教如法修行者。一香、一華、一禮、一讚、一施、一戒。爾時果熟菩提成。

大勢至菩薩讚

意本楞嚴經念佛圓通章悲華經。

大哉大勢至。念佛證圓通。六根歸一念。妙意開無窮。佛如母憶子。慈願攝羣倫。衆生常憶佛。覺路定相逢。

大哉大勢至。彌陀第二子。從兄觀世音。接引諸修士。念佛真三昧。常念常專憶。如來正徧知。皆由念佛

致。悲華經阿彌陀佛。往劫爲轉輪王時有千子。長觀音。次勢至。三文殊。四普賢。

壽僧寶掌讚

生時左掌拳屈。七歲祝髮方開。

梵僧寶掌來中華。始從漢獻迨梁武。春秋一千七百二十齡。徧遊震旦諸州土。晚年浪迹泊杭城。最愛飛來峯下住。有行徧支那四百州。此中徧稱道人遊之句。世稱彭祖八百年。不及寶掌之半數。世稱七十古來稀。寶掌

視之猶嬰孺。寶掌千年未是奇。幻軀終有別離時。得生極樂蓮花國。壽皆無量阿僧祇。

晉天台開山祖師曇猷讚

大德曇猷坐赤城。巨蛇羣虎故相驚。蛇遊半日委蛇去。虎繞師前伏聽經。神二千年夏帝子。重師恩德讓茲山。鳴鞞鼓角凌雲去。從此天台作教壇。

梁釋法雲、隋智者、章安、唐荆溪、明蕩益諸大師、轉法華讚。

法雲大德受生時。霏霏雲氣盈家屋。長時博雅善談經。法華輪轉尤精熟。登壇暢演蓮花舌。花雨空中如雨雪。當時早魃久炎炎。法華講得滂沱雨。誌公大士讚連聲。微妙微妙難思語。袁昂禱佛通懇誠。願得妙舌如雲清。夢僧告謂談何易。善根累劫栽培成。雲從日月燈明佛。已講妙法蓮華經。東土釋迦智者出。天台三部光宇內。玄義文句大止觀。善依妙法修三觀。大藏深窺十五遍。妙經獨妙須彌山。三部淵淵文字海。當時記者惟章安。百五十年荆溪出。台教中興光故物。釋籤文記與輔行。暢通三部深禪窟。百家經史及童謠。博採圓通無障礙。荆溪久現居士身。晚歲披緇專闡佛。始終心要說三觀。大乘總持綱領首。明季靈峯蕩大師。法華會上天人師。倒腹傾腸語佛子。天台少室莫分馳。開權顯實談儒典。謂與佛法無差池。東西鷲嶺尼山教。從此金聲玉振之。靈峯學社一爐香。願此光明徧十方。儒禪教律諸先哲。乘願同來會一堂。

梁釋法聰大師伏虎讚

法聰大德居襄陽。時有二虎依禪牀。晉王安王謁師畏二虎。却立戶外心徬徨。師按虎頭閉雙目。虎伏不動如馴羊。王乃逡巡致敬禮。問師伏虎如何方。於時境內多虎患。百姓怵惕難爲防。師爲入定作觀照。有虎十七來踰踰。以布繫頸授歸戒。敕後七日來禪堂。至期王爲設齋供。諸虎果至如師望。平聲給齋解

布令散去。自此境內無驚惶。山有二泉清且冽。中叢雄牝潛龍雙。二龍就師手取食。化作龜魚無幾長。雄化白龜、雌化五色鯉魚、降龍伏虎豈他術。慈悲三昧獅中王。王喜讚歎厚致餽。賊聞來劫師資囊。遇虎哮吼不敢犯。復見護法偉金剛。老子嘗云慈故勇。仁者無敵儒書詳。世人殘忍徒自殺。我爲師讚揚慈光。

梁傳大士、法號善慧、自稱彌勒後身、武布常請入宮說法、作輪藏、教人轉經、而無經也、云但轉之、生多功德、偈以讚之。

大士作輪藏。教人轉諸經。三藏十二部。一轉一切轉。而不立文字。以本無字故。佛四十九年。未曾說一字。照見五蘊空。度一切苦厄。此空卽是色。此色卽是空。此諸法空相。不生亦不滅。不垢亦不淨。不增亦不減。是故無無明。亦無無明盡。乃至無老死。亦無老死盡。無苦集滅道。無智亦無得。以無所得故。菩薩依此轉。則心無罣礙。心無罣礙故。離顛倒夢想。究竟大涅槃。諸佛依此轉。成無上正覺。如是轉諸經。不爲諸經轉。如是轉諸經。亦無轉經者。如是一念轉。天下咸歸仁。心佛及衆生。是三無差別。能所雖本空。轉轉亦無盡。如是轉諸經。功德無邊量。達摩未西來。此卽西來意。稽首問大士。大士默無言。

供孟蘭盆偈

七月十五日。是佛歡喜日。是僧自恣日。是大孝目連。救度生母日。我今依佛敎。供養孟蘭盆。惟慚海濱居。不能具百味。所謂孟蘭者。卽解倒懸苦。衆生倒見故。墮落於三塗。愚癡墮畜生。慳貪墮餓鬼。瞋殺墮

地獄。受苦真無窮。伏求三寶力。接引我祖先。及我慈父母。及多生父母。乃至法界衆。乘佛慈悲願。同生極樂邦。同度諸衆生。同登無上覺。

普勸人人修持五戒偈

三世諸佛說。五戒得人身。五戒卽五常。仁義禮智信。第一戒殺生。喫肉是殺因。佛言食肉者。斷大慈悲心。生命無大小。殺之同傷仁。死墮叫呼獄。割剝苦難禁。鐵獸鐵鷹狗。爭啖罪人身。烱銅熱鐵丸。飲灌時頻。鑊湯爐炭中。都爲殺業人。欲知地獄果。但看庖廚因。第二戒偷盜。賭博是盜心。佛戒非義取。一草與一針。慳貪墮餓鬼。漿水沒沾唇。三要守禮。男女戒邪淫。邪淫墮地獄。更轉畜生身。第四戒妄語。旬句口應心。妄言失信任。一妄百非真。非法而說法。誤衆罪尤深。拔舌地獄中。都爲妄語人。第五戒飲酒。酒是破戒因。麴中多熱毒。積毒能昏心。死墮沸尿獄。更轉蛆蠅身。紅丸及鴉片。受毒愈加深。戒烟等戒。酒破戒魔來親。前世持五戒。今世得爲人。今世持五戒。來世還是人。破戒人身失。地獄鬼畜身。畜生遭屠殺。餓鬼火燒身。地獄一日夜。萬刑痛攢心。不知何年劫。再得轉爲人。自作自受苦。莫怨閻王瞋。試問千人中。五戒有幾人。便知來世報。幾人還是人。持戒受福大。破戒受禍深。若起破戒心。隨時當痛改。失足墮深淵。追思多懊惱。夢中若破戒。醒來當懺悔。懺悔暗中燈。燈明暗消退。一念持戒心。菩薩來相助。一戒五菩薩。晝夜常保護。五戒二十五。菩薩爲依怙。保壽保平安。保你無驚怖。破戒菩薩去。冤家來會。

聚。因此災難多。以無救護故。持戒業障消。持戒多福祿。持戒世太平。同免刀兵苦。物類不敢傷。何況殺人類。盜匪變良民。娑婆成樂土。持戒念彌陀。不須破戒慮。佛力常護持。戒根自穩固。持戒願生西。決上西方路。臨終佛現前。穩坐金台去。生到極樂邦。天堂無此福。

答問最初無明之起

眞如如燈光。無明如室暗。光性本圓通。覓暗不可得。可知眞如中。實無無明者。置燈室一隅。則暗相必多。以光不徧故。漸移向中處。暗相亦漸消。若置於大中。暗相一時滅。凡夫所照小。如燈置一隅。羅漢與菩薩。如漸移向中。佛燈照十方。故爲大圓覺。故圓覺經云。一切諸如來。修行本因地。皆以圓照覺。永斷於無明。又謂此無明。非有眞實體。如夢所見人。醒時不可得。又如病翳目。妄見空中花。及彼第二月。空中本無花。由病者妄執。月亦無第二。病者謂不無。若問此無明。生從何劫始。如夢中說夢。以彼本無生。因緣會合時。虛妄有生相。照破無生夢。本性卽眞如。故知五蘊空。皆是心眞相。而此心眞相。覓之不可得。雖復不可得。諸法從之生。諸法雖從生。而復不生滅。不垢亦不淨。不增亦不減。覓心不可得。以皆色相故。故曰色卽空。覓色不可得。以皆心相故。故曰空卽色。觀心是謂空。觀色是謂假。以雙照空假。故名爲中觀。一心而三觀。三世佛心印。如是大圓覺。何處覓無明。歸依無量光。歸依無量壽。當知一句佛。頓破無明軍。

人身難得佛法難聞偈

佛以指爪土。而問阿難言。爪中土多乎。大地土多乎。能得人身者。猶如爪中土。失落人身者。大地土之多。試觀一穴蟻。多過一城人。何況大地蟻。其數無有量。又況一切蟲。一切魚鳥獸。餓鬼地獄衆。各各無邊量。彼等皆人也。破戒失人身。皆由信邪法。佛法苦難聞。或不戒殺生。或不戒偷盜。或不戒邪淫。或不戒妄語。或不戒飲酒。終日醉昏昏。以此墮三途。備嘗諸苦痛。我等多劫來。受苦亦如是。幸聞佛正法。持戒得人身。既得此人身。千萬勿更失。既失求復得。不知何劫年。是故當一心。歸命禮三寶。故當喫齋素。故當念彌陀。故當生淨土。永脫輪迴身。諸上善人俱。終成無上覺。

頓悟漸修喻

高樓遠鏡望名山。百里渾如咫尺間。試下高樓行百里。始知步步向前難。

讚法華經常不輕菩薩品

因果同時。凡夫不識。妙法華經。開權顯實。昔有菩薩。了斯祕旨。遇諸四衆。五禮投地。禮拜讚歎。歡喜相謂。汝當作佛。不敢輕視。憎者怒之。輒加罵詈。焉用于汝。虛妄授記。或以杖瓦。追擊打擲。罵則不辭。打則走避。還復禮拜。讚歎歡喜。汝當作佛。不敢輕視。曰常不輕。衆人所字。如是菩薩。法華之髓。謗菩薩者。地獄罪畢。還從菩薩。聽聞妙義。願力所攝。如膠投漆。如是菩薩。豈異人乎。卽我本師。釋迦佛是。

讀法華經信解品窮子除糞喻

飲光聽說妙華經。悟得娑婆是糞坑。六字彌陀除糞法。糞中無礙寶蓮生。

讀法華經譬喻品大白牛車喻

炎炎火宅莫耽留。駕得真如是白牛。六字彌陀無上乘。直登極樂最高樓。

蕩益大師示闍藏四要則真入寶山之指鍼登寶岸之慈筏也本其意爲之讚

如來何爲來。教人超生死。非爲口耳計。忍饑徒說食。句句歸自心。目足要雙使。如說而修行。方成無上士。卽今脫苦輪。淨土經第一。其一

下學而上達。學問貴真修。所以頓悟後。還須次第求。空腹慕圓頓。心高力不侔。望海而渴死。不如飲河流。三學先學律。戒淨成比丘。由戒生定慧。無戒定無由。邪定與狂慧。皆爲惡道媒。次閱四阿含。學作佛箕裘。裘集小成大。箕調勁爲柔。勿輕是小乘。大乘之前矛。次研台宗教。三觀一念周。智者若先出。達摩不東遊。卽中卽空假。性相一圓球。自他融一冶。理事同一舟。說法四悉檀。羣機一網收。生善止惡知因果。第一義是圓中尤。以此圓妙鑰。徧開經論樓。勢如刀破竹。節節無難留。其二

律先四分次僧祇。十誦根本五分又次之。次習善見毘尼母。六家傳受有差池。各有源委與線索。閱者分別探尋之。不當執一而非彼。亦勿猶豫于兩歧。得意善用之。開遮與受持。勿謂此是小乘法。捨小參

大無根機。如臨深淵履薄冰。破戒必墮三途坑。

其三

大小經律論。字字皆珠璣。三見圓妙印。對治擇所宜。或隨習氣治。或隨時勢移。不妨摘要語。自覺覺他知。雪山無非藥。用者對病施。寶山無非寶。取之先摩尼。庶幾入寶山。不致空手歸。更請靈峯宗論。循環仔細讀之。能使儒禪教律。異同曲盡無遺。

贈南通劉橋萬願樓閱藏會

二部大藏。自心而已。此心之妙。難議難思。大周法界。小入毫微。顯彰萬有。隱住無爲。能知此義。其於全藏。如四大海。一口吞之。不知此義。尋行數字。如算海沙。誰能盡之。大乘小乘。體同用異。如井河海。無非是水。洗除煩惱。如是而已。如是閱藏。全藏卽已。一念圓明。閱藏已畢。一句彌陀。全藏之祕。念佛往生。當證斯義。大哉大藏。如天有日。字字句句。無非全日。破暗消寒。無邊福利。獻曝之愚。以當隨喜。

淨律教禪密修學次第偈

普接三根淨最宜。次修戒律正威儀。教詳因果知圓法。禪悟心源啓正知。顯義融通方學密。道分先後莫差池。更須地藏威神力。調服剛強謗父兒。

禪宗五家讚

天隱修禪師。謂臨濟如怒雷掩耳。潯仰如光含秋月。曹洞如萬派朝源。雲門如乾坤坐斷。法眼如千

山獨露、謹本此喻爲讚。

怒雷掩耳臨濟喝。賓主分明性相通。大圓心相賅凡聖。滂仰光含秋月中。萬派朝源曹繼洞。君臣五位演重重。一字關中羅萬有。乾坤坐斷顯雲門。千山獨露融禪教。六相華嚴法眼宗。空假中三千佛印。五家非五一心融。臨濟滂仰出南嶽。餘三皆是青原孫。南嶽青原嗣六祖。一花五葉分非分。法眼嫡孫永明祖。雙修禪淨轉宗風。彌陀六字真圓頓。無量光中脫苦輪。

臨濟義玄師、住鎮州滹沱河側。靈祐禪師、住潭州滂山。慧寂禪師、住袁州仰山。良祐禪師、住瑞州洞山。本寂禪師、住撫州曹山。文偃禪師、住韶州雲門。法眼文益禪師、住金陵清涼院。

釋尊說法五期五味解

五期五味走盤珠。面面圓光映太虛。別派分宗相水火。可憐打碎寶王珠。
酥酪醍醐同一乳。因緣別異性無分。法空的是如來座。權實無非妙法輪。

四大菩薩經教讚

文殊淨行品。菩薩之心腸。普賢行願品。導歸極樂邦。觀音普門品。能救世間苦。地藏本願經。警世大威王。如是四大士。苦海之慈航。懇懃頂禮誦。定見無邊光。

佛法大旨

一切衆生。皆有佛性。不生不滅。無量無邊。不變隨緣。隨緣不變。聖凡十界。皆隨緣生。隨緣之機。卽此一念。一念之別。天地懸殊。天堂地獄。善惡緣分。淨土輪迴。淨染緣分。自因自果。自作自受。無可逃避。無可怨尤。故當吃素。故當念佛。眞信切願。求生西方。諸上善人。俱會一處。以緣淨故。易得淨心。以心淨故。決當成佛。

衆生無邊誓願度。煩惱無盡誓願斷。法門無量誓願學。佛道無上誓願成。四宏誓願讚。

願小成就速。願大成就遲。世間一切事。因果類如斯。佛法則不爾。因果常同時。比如妙蓮花。花時果已滋。願大成就速。願小成轉遲。由人願生天。由天成羅漢。乃行菩薩道。歷劫勤修持。比以水投澗。到海須長期。若以水投海。卽與海相依。當知我此心。與佛無差池。不生復不滅。無量無邊涯。故當願成佛。勤讀諸大乘。故當求淨土。上品蓮花生。頓悟文殊智。頓修普賢行。分身徧塵刹。普度諸衆生。性量固如是。勿怖勿須驚。

一切衆生皆有佛性偈

一切衆生。皆有佛性。一切穀米。皆有飯性。諸佛如飯。衆生如米。非春不淨。非水不漲。非火不熟。非人不成。是故佛性。非修不顯。懺罪止惡。比之於春。誦讀大乘。比之於漲。行坐勿忘。比於火力。親近師友。比於人工。所謂佛性。不可思議。不生不滅。無量無邊。無二無別。與佛平等。云何無生。而現生滅。貪瞋癡三。爲

苦因故。自因自果。而有輪迴。云何無量。而現有量。惑業報三。爲障礙故。習久障深。無緣解脫。如金在鑛。見鑛失金。如月在雲。見雲失月。偉哉佛性。幻作衆生。如大富人。夢爲乞丐。修行之法。去鑛去雲。雲去月明。鑛消金現。金本是金。不煩加淨。月本是月。不用加明。當知衆生。本來是佛。五濁惡世。雲鑛重重。故當喫素。以淨口業。念佛念法。以淨意業。禮拜翹勤。以淨身業。三業清淨。穢障漸消。復仗佛力。求生淨土。如金如月。出鑛出雲。

讀地藏十輪經無依行品

繫片袈裟罪人頸。能生羅刹佛思量。殷懃五體投誠拜。不許飢兒恣殺傷。慈芻破戒人身失。恭敬猶堪作福田。比似牛黃與香麝。屍中有藥勿輕捐。

讀地藏十輪經福田相品讚

一切衆生如佛想。徧觀皆是紫金身。是心作佛是心佛。此是如來祕密因。

十六佛前阿羅漢。多爲古佛再來身。聖凡本迹誰能辨。莫向三途侮聖神。

示現
蛤蜊。

大道必從忠信得。若驕若泰失康莊。莫將階下安三寶。自踞高堂豎幔幢。

楞伽經、羅漢有三種、一得決定性、二增修菩薩

行、三應化
佛所化。

地藏十輪經言、僧有四種、一勝義僧、二世俗僧、三啞羊僧、四破戒僧。勝義僧有二種、一出家、二在家。

大乘地藏十輪經。宏法端推勝義僧。白衣緇休著相。在家僧等出家僧。

彌勒現身傳大士。道冠儒履佛袈裟。一宗儒釋靈峯論。老孔原同佛一家。滿益大師有儒釋宗傳竊議。

滿益大師請交光楞嚴正脈。捨識用根之邪說。毒流天下。本師意爲之傷。以告讀者。

圓通常是性。性是六根同。耳根利易顯。餘根鈍難同。背塵而合覺。要在反聞聞。反聞聞自性。不許逐聲奔。奔聲入生滅。聞性光圓通。楞嚴所開顯。用性非用根。此是微塵佛。一路涅槃門。轉識令成智。因之聖凡分。耳識尚不用。何況用耳根。性相二非二。亦不廢諸根。眼耳鼻舌身。皆應一例論。擊鐘驗聞性。此義真圓融。鐘聲有生滅。聞性無亡存。執相逐生滅。執性成偏空。一門要深入。圓觀空假中。三藏十二部。皆應如是聞。

三障三因三諦三觀及六卽位相之差別歌。意本滿益大師靈峯宗論卷三
教觀要旨答問

惑業苦三原佛性。三因三諦起三觀。業卽緣因惑卽了。正因佛性苦中觀。性具三因成一念。修從三諦起三觀。真諦觀空俗諦假。圓融能所卽中觀。全性起修名字位。圓伏五住位觀行。清淨六根相似相。三身分證佛光明。更盡無明窮覺海。方爲究竟覺圓成。六而常卽卽常六。退屈驕矜兩不生。此是教觀真

要旨。靈峯宗論世間燈。

六度炊飯喻

捨錢買米比布施。淘米清淨比持戒。推柴納火比忍辱。不熟不已比精進。鍋蓋不動比禪定。五事分明比智慧。如是六度萬行師。百姓日用而不知。推之學做菩提飯。一切如來同讚歎。

鼻提波羅密

鼻提、譯云忍辱。波羅密、譯云到彼岸。

或問河汾文中子。何以止謗曰無辨。不聞日月遇浮雲。千年障却團圞面。世人于境風。喜順而惡逆。順者助我成。亦使忘偏僻。逆者礙我行。亦令知乾惕。蓮於火月發清香。梅入冰天有喜色。一句彌陀大願船。自他同作西歸客。

八風不動偈

南北東西面面風。八風不動太虛空。稱譏苦樂中宵夢。消向東林百八鐘。盛、衰、毀、譽、稱、譏、苦、樂。謂之八風。

不變隨緣隨緣不變喻

兩雪冰霜雲霧露。皆是真空性水身。電雷火與曠欲情。無非性火真空色。世間妙用在坎離。中女中男生子媳。六十四卦孫曾玄。止此乾元真不易。乾元即是妙真如。無始以來猶少艾。心境相交萬物生。盡未來時無紀極。不變隨緣九界分。隨緣不變如來德。背塵合覺念彌陀。此是歸元真法則。

佛四衆弟子宜交相敬重偈

釋祖嘗爲常不輕。妙蓮花自敬田生。專尋四衆慇懃拜。謂是當來照世燈。地藏輪經勝義僧。出家僧與在家僧。莫從緇素生分別。同稟如來度衆生。木雕紙畫佛威神。況是傳經代佛人。但見沙彌如佛想。莊嚴相好紫金身。歸依僧謂一般僧。不是偏誇大德名。敬一慢他徒自局。未知三寶大威靈。重佛休輕破戒憎。袈裟相是福田形。牛黃香麝屍中物。妙藥猶堪活衆生。罪人頸繫片袈裟。羅刹翹勤拜佛陀。鬼尙佛心人豈遜。慢山不倒罪如何。佛法能消一切爭。豈堪四衆自相爭。同心合作如來使。整頓家邦致太平。

三 題贈

題光緒時陝西覺禪禪師禪畫

佛作凡夫可憐。借詩借畫談禪。密語知音難覓。山歌一曲陶然。畫妙詞妙禪妙。何妨別字連天。六祖胸無點墨。光照三千大千。

悟脫桶底

桶底雖然悟脫。水流更向何方。不入蓮邦淨海。難辭無間刀湯。六字阿彌陀佛。稱爲無上深禪。但肯至心繫念。保君腳下生蓮。

叱石成羊

冥則羊能化石。覺則轉石成羊。是謂由空起假。一心萬行齊彰。若墮無爲坑裏。便與頑石相當。

化緣自供

假能說法度生。肚臟何殊佛藏。否則戴角披毛。難免來生鞭棒。一心生到蓮邦。他日放光無量。

柴師造論

無着天親兄弟。迭承彌勒真傳。護法十師百卷。唯識之學詳焉。柴師糅爲十卷。窺基親受此編。唯識本破相學。勿作名相鑽研。此語本之蕩祖。不是小子胡言。

一心念佛

勢至念佛三昧。首楞嚴經中王。六根攝歸一念。念念見無量光。衆生攝歸一念。念念同生樂邦。是謂一心不亂。衆生心佛同堂。一串摩尼法寶。記千記萬休忘。圓頓中之圓頓。不須別作商量。

狀元及第

勤念阿彌陀佛。人中算你狀元。念佛必當成佛。正因正果無愆。自晉至今十代。蓮邦及第聯翩。九品雖登下下。勝於三界諸天。

乞人見金

世間多少英豪。盡被黃金驅使。世間多少侯王。不過乞人心事。黃金於我何加。何苦因貪失智。蓮邦大地皆金。誰肯勞身一拾。真與土木同觀。不算什麼寶貝。

官給度牒

度牒幾人能度。得此無憂飯粥。今並度牒無之。粥少僧多更苦。出家是大丈夫。豈可濫竽充數。要從我佛出家。先把儒經熟讀。靈峯宗論煌煌。孔釋兒孫慈母。

入門一步

當知頭頭是道。便是無有是處。卽假卽空卽中。一心三觀圓具。如是圓頓行人。一步便躋寶所。頓悟還須漸修。莫學高心空腹。好古敏以求之。佛聖遺經細讀。普賢十大願王。三世如來王路。

盲者爲師

一盲何止千年。盲子盲孫世傳。任是胸羅萬卷。依然坐井觀天。盡謂心居胸內。誰知無量無邊。盡謂形亡神滅。誰知永劫長年。不識大乘經論。儒書亦未透穿。介爾當前一念。是他生地生天。知心不難知佛。彌陀垂手現前。

懷近代佛儒先哲詩

佛有慈悲警世功。曾公一語醒昏蒙。當年若見靈峯論。定信儒門卽佛門。
曾文正公文集、有請兩淮鹽款、與復長江一帶

被燬寺廟文，言佛說三世因果六道輪迴，有警世之功。滿益大師靈峯宗論謂佛門之盛衰，由儒教之隆替，儒之德業學問，實佛之命脈骨髓。到家異而入門同。曾文正公

曾公日記勤求闕家訓，諄諄菽粟書。常置一編衣袋裏。初知志學得康衢。歸家大人購，曾文正公

家書及許氏說文命讀之，辦南京高等師範國文專修科時，以此二書及陽明傳習錄授學者，此皆根本之學，菽粟之書也。

仁老金陵大刻經。洪楊火後賴中興。三年錯過靈山會。未耳迦陵說法聲。石埭楊仁山居士，辦金陵刻經處，為洪楊劫後

中興佛教之基本，在南京三年未獲往拜，一問佛法，錯過可惜，於今猶以為憾。

諦老台宗大講師。覺園獅座最威儀。止觀釋要重分釋。記者生花筆一枝。癸亥自通返滬，得遇諦

法門釋要法會聽衆如雲，講釋精細，成大乘止觀述記二卷，記者為江味農居士，居於大乘止觀法門，深造有得，故於講未及處能補充之，真法寶也。諦公遺箸有諦閑講

錄行世，學者之寶筏也。

西方淨土普羣機。正直慈悲老印師。文集嘉言真粥飯。佛儒合一不分離。印光法師言，儒佛二教，

常教人敦倫盡分，閑邪存誠，戒殺念佛，求生淨土。

諦公法嗣多開士。付囑觀宗寶靜師。一顆三觀諸佛印。法華三昧佛宗支。寶靜法師，畢業上海大

學佛，繼為觀宗住持，台宗之嫡裔也。

救劫端須合佛儒。潘公首倡大規模。幾編儒佛摩尼寶。廣印流通徧五都。潘對臬老居士，約集同

儒會於天津，屬謙為撰佛儒合一救劫編印行之。

宏揚宋藏印精勤。提倡朱公甚苦心。莫負寶山千百座。正須廣舌播慈音。

朱慶瀾大德在滬設各經會影印宋藏流通各

界

敦養恢恢張嵩公。幾生香火得相從。五山佛寺無窮願。西攬長江起海東。

嵩師晚年欲在南通五山組織一有系統之佛

法頤後登繼續成之。

退公不愧嵩公兄。左右南通大業成。來與藥師同誕日。去從釋祖看明星。

退公晚年手書金剛經印送其生日為

堯曆九月三十拾報日為臘月初七夜。

師範堂中講佛經。胡公特地倡先聲。佛儒融一開心量。引得諸生洗耳聽。

安徽第二師範胡晉接校長嘗請嚴慧法師講

地藏經又請家蔭園弟於國文課中講佛儒性理之學並約集校友購請大藏經。

陽復齋詩續集成。敬公贈序勸書屏。山歌取悅兒童耳。高比寒山愧未能。

黟縣胡敬菴光生篤信朱子兼好佛法序陽復

齋詩偶續集云家有寒山詩勝汝看經卷書放屏風上時時看一編竊於此集亦云。

竊比東坡姓秤人。更無別用但稱金。佛儒無價摩尼寶。能救而今舉世貧。

佛儒濟濟尙多賢。更待蒐羅大德傳。隱顯不同工作一。大慈端在合無緣。

印光法師自號粥飯庸僧讚
世間粥飯盡分敦倫。出世粥飯念佛觀空。粥飯主義不過二宗。印光法師粥飯中尊。文鈔嘉言法味芳

芬。得之生活。失之困窮。得之超脫。失之沈淪。家家需用。人人服從。如此庸僧。是謂中庸。豈惟國寶。天下之公。

讚印師勸念大士救劫

巍巍一句觀音號。全國人人好誦持。護國息災眞法寶。普施無畏勿憂疑。
靈霹從空落翠微。空前戰具有飛機。惟求救苦觀音力。化作蓮花自在飛。
四海如家共一天。不當燒殺互瞋嫌。印公誠實慈悲舌。普與同胞作救船。

題張齋庵先師長樂故里公祠

天民先覺莫公先。擔得乾坤事滿肩。歿與關公同護法。千秋儒佛結因緣。
公祠與關帝廟接連。

讚南通張齋菴先師

淮南江左張夫子。乘願重來光國史。方顏虎步眉如山。奕奕雙瞳照文理。我昔客游海東澗。友人執卷請文字。先生賞拔出時流。謂非空腹能爲此。時雨懸通小草心。激昂感歎稱知己。是歲甲午方嚴冬。渡江修禮瞻容止。一登秦岱羣山低。願侍門庭稱下士。三年寒暑金陵城。縱橫講論知經史。淵源一脈接湘鄉。(師從張濂卿先生學古文。爲曾文正再傳弟子)樸行高文通世事。戊戌政變歐風東。令習算數旁行文。薦參南洋師範席。師意已在開南通。經營機紗獲利養。乃剝南郭新賢宮。不忘鄒魯被儒服。

更策驂騑騶新路。使行有勇知有方。課海呈珠山出玉。因廣農商闢織源。還商東海來歸田。墾荒何止數萬頃。廣廈亦置數千間。杜陵昔願付風雨。今見寒士多歡顏。赴功趨事不辭忙。明日應辦宵書方。十事辦九不及一。更移明日書前方。歲終預算來年利。每歲創興二大事。如是積日積歲年。積篋成山功岌岌。紗機鹽墾冶電船。衣食住行無缺焉。育嬰養老殘廢院。盲啞有學無顛連。大生生生歲不已。父子兄孫曾復玄。紗機初產最艱難。五載疲勞通滬間。十年鹽墾尤辛苦。草笠芒鞋開斤鹵。紗墾獲利信用張。車連踵接農工商。先生起家寒士耳。大願終能成大事。且養且教相灌輸。欲令婦孺咸詩書。一民一物要得所。生之者衆施無餘。晚張佛事刮盲膜。金石造像江之隅。先生意豈局一縣。廣與天下爲型模。惜哉不聞靈峯論。一宗儒佛開天衢。堅苦成功二十年。磨龔雕斲多才賢。阿兄退公左右手。羣賢亦各勞奔走。不才何德秉教鞭。往事祇今多懺悔。木壞山頽失哲人。娑婆命濁最愴神。調御無師象馬逸。優曇一現難常親。先生往矣功不死。光流江北幽風紙。農商百萬長兒孫。胥賴先生衣且食。心香旦旦一爐熏。祝生極樂蓮池裏。作佛他時轉法輪。十方永劫相追從。

題南通琅山觀音院。趙繪沈繡之樓。樓供觀音聖像百餘。皆名作也。而以趙松雪繪。沈雪君繡爲最。故名。

筆筆含甘露。絲絲入寂光。可憐凡眼目。不見佛心腸。勉矣恆沙衆。歸哉極樂邦。等閒樓閣地。無盡大慈

航。

題南通殘廢院念佛堂

四海吾兄弟。殘盲倍可憐。同居天地內。不獲享安全。衆母張夫子。全收廣廈中。資生兼教誨。難報此深恩。朝夕彌陀佛。偕乘大願船。他時生極樂。廣度有無緣。

恭讀韓止叟八十感懷八律歌以和之

公時七十謙貽詩。勸修淨土娛期頤。忽忽十年更瞻拜。公顏八十愈豐滋。却老還童豈有術。謂非德潤誰能之。憂國憂民豈不勞。嶄新猶是庖丁刀。老成播棄斧柯失。衆生障重龜山高。感懷八律意深重。大悲不忍民嗷嗷。一家吳越戰蝸角。戲人血肉爲渠豪。蝓蚌俱殘漁者笑。可憐衆稚今滔滔。禍福從來皆自求。於天何怨人何尤。不從因果正心念。任公國手難爲謀。吾家自有廣長舌。欲醒羣迷聽佛說。三歸五戒定家邦。豈在匆匆賭流血。置酒歡呼啖衆生。世人此惡尤奇絕。豈知戕殺犯天和。積冤互報成災劫。歸佛歸農致太平。一篇大學光明經。明德親民根本碩。生衆食寡枝條榮。亂却身家談治國。本根已拔胡能生。聖賢大業惟修己。轉大法輪在這裏。惟一須觀五蘊空。惟精要使萬幾理。不於空假着二邊。允執厥中如是已。永劫有磨此不磨。以此壽公應歡喜。秦州三王龍象姿。惜未參知儒佛一。天猶歸佛況人羣。毀佛陋儒徒自失。願公且暮禮彌陀。此是人天無上事。佛光無量壽無邊。公止應於無所止。

潘對冕大德刊日月爭光集成屬序以詩代之

男女教有別。大義別陰陽。在天昭日月。在地判柔剛。燦燦人倫譜。輝輝閭德章。潘公無盡意。爲國立綱常。五戒平天下。三歸普度航。人人無量壽。各各無邊光。要識輪迴苦。方知極樂長。善男同善女。永侍法中王。

答孫滄叟老人約觀菊詩

知君千本菊。一一自心開。江筆斑爛畫。天雲次第裁。三觀般若印。萬座寶蓮臺。何日金池會。輪華不待裁。

爲張孝若弟題主說明心要 孝若弟。寄菴先師哲嗣。

當知此之一點。卽是無量無邊。仰承大悲願力。成就清淨莊嚴。此卽吾孝若之本來面目。亦卽一切衆生之淨妙心田。可以福家福國。可以作聖作賢。可以現生死輪迴之苦海。可以成極樂世界之寶蓮。此之謂主。而其餘皆客也。客有來去。而主常不遷。蓋性體不生不滅。寂然不動。而其用卽隨善惡淨染之四緣。用有萬能。緣有萬態。故相亦萬懸。但知性相不二。卽知小大同圓。故天地非大。蠶蠓非纖。此卽如來所謂一切衆生皆有佛性也。而亦中庸所謂天之所以爲天。旣天地萬物。皆吾此圓妙大心之現影。而又何溺於親。何仇於怨。何愚於彼。而自以爲賢。何有於夢幻之生死。而欣焉戚焉。但當發同體之大

悲而徧緣於無緣。而要當歸命阿彌陀佛。求生西方極樂世界。以出此生死輪迴之苦海。既生彼國。見佛聞法。承佛威力。分身無數。如淨滿月。普應萬川。而後能入生死苦海。作普渡之慈船。此卽衆生成佛必經之程序。而吾孝若之聰慧。當信解而勉旃。

讚季聖一居士佛說四十二章經新疏

佛說四十二章經。最初東來漢永平。第一法雷初震耳。大中小樹皆芽萌。譯者神僧自西域。曰竺法蘭。曰摩騰。此經方之儒論語。文句皎潔嚴而精。圓滿究竟非儒比。比如江漢歸滄溟。識心達本頓悟法。離欲去愛漸修程。爲實施權似半字。開權顯實皆大乘。滿師舊解已卓絕。季君新疏尤詳明。分條析縷無不至。筆花湧出慈悲聲。大地生盲不見日。得此割膜開盲睛。我聞歡喜讚不已。竚聽天樂聲鏗鏗。

懷甘肅楊顯澤開士

蘭州師範校長
樂善書局局長

獨許知心楊顯老。八千里隔一誠通。廣將流水高山曲。播入邊人耳鼓中。

謙著述諸書。楊公印行最多。

滔滔寄語萬千言。念念蒼生句句圓。永劫無忘無盡願。耦耕同種紫金蓮。

劉公儒服被袈裟。一夢圓成七寶華。從此羲皇桑梓國。歸心極樂法王家。

甘肅爲伏義帝故國。

楊公寄示甘肅劉果齋先生遺著。讀之甚佩。而惜其未深知佛。因發願爲念佛追薦。致書楊公。而劉公弟子某君。夢其師著袈裟。坐佛殿旁。得余書。與夢符。因相與感歎。自是起信者遂多。於臨洮縣設佛光社。

親聞大士懇勸讚。儒佛圓融救劫編。打掃千年門戶見。一家同上大悲船。

楊公病中親見藥師毗盧諸佛聖。又開觀音大士。極讚儒佛合一救劫編。

督察專員健中劉公。招赴海陽講學會。欣然願往。而病未能也。作詩自述。奉答求教。並呈胡敬菴先生。及同會諸君子。

早歲志文學。竊好曾湘鄉。三代兩漢書。模範爲文章。冠從南通遊。教親朱紫陽。經史及諸子。剖析觀毫芒。應時習英語。聲韻循旁行。因知古訓詁。音義每相當。因知方國言。轉變不失常。陰陽悟聲母。自謂破天荒。壯契陽明學。虛靈得主張。爾時職教育。應付不慌忙。以之串經義。如網提其綱。以之導後生。志趣多軒昂。病讀樂天詩。如餐和緩湯。所之無不適。沈鬱頓消颺。四十復大病。乃入佛門牆。授我淨土經。賚我寶中王。知我與衆生。光壽無邊量。迷夢入生死。短命長悲傷。素食戒殺生。同體休自戕。庶類皆欣欣。不遭口腹殃。家人亦熙熙。童稚知西方。以勸諸親友。初聞疑我狂。久久皆信之。分我蓮池香。遂集佛光社。與衆同宏揚。來者歲月增。得者恭敬將。或謂病轉健。或謂僻轉良。或謂禍轉福。或謂瞽轉明。古讚如芒

或輟屠捕業。殘忍轉慈祥。或老未識書。捧誦今琅琅。或數千百里。願言同一航。命終含笑去。體軟頂溫暘。瑞生西信知出苦海。超人蓮花邦。我昔講他學。得效無此強。衆生本佛性。如日雲中藏。開雲出皎日。光燄元煌煌。佛日旣輝朗。孔老愈光昌。文武劉督察。招我赴海陽。云多賢俊士。講學開羣盲。我聞神已

馳。寄耳於其旁。去冬寒入骨。今春欬引吭。自慚在弱軀。不耐稠人場。我有正學頌。此舌頗廣長。所傳佛聖語。不作時俗腔。坐則便晤對。代表我肺腸。行亦便取攜。如我同趨跲。所願諸哲士。垂聽偏周詳。宏此不二法。同發無邊光。里里一蓮社。家家一佛堂。豈惟救家國。世界將平康。

敬謝圓瑛老法師爲佛儒經頌作序並惠賜楞嚴綱要及一吼堂詩鈔

佛儒經頌賜題詞。點鐵成金筆一枝。猥許巴人歌白雪。不嫌螢火爍須彌。師是高僧是哲儒。圓音顆顆寶王珠。靈峯宗論伽陀藥。願借蓮花妙舌敷。法施功德利人天。智眼圓明賴法緣。成就未來無上士。廣開五濁種金蓮。一吼能教百獸驚。世間三毒等消冰。五言七字非文字。聽取無聲霹靂聲。欲將教律顯深禪。佛頂滔滔四十年。緣影識心生滅本。性原無動首楞嚴。空色相依陰與陽。從來佛法比鴛鴦。達摩示寂還西去。隻履誰知是一雙。彌陀六字甚深禪。一念能教萬念捐。無量光明無量壽。春耕秋穫自家田。

詩壽弘一大師六十週甲並勸請提倡佛儒一宗靈峯學社

鷄鳴山下讀書堂。廿載金陵夢未忘。寧社恣嘗蔬筍味。當年已接佛陀光。謙承辦南京高等師範時。聘師任教座。師於假

日倡寧社。借佛寺陳列古書字畫金石。蔬食講演。實導儒歸佛方便門也。

虎跑出現袈裟相。一度尋公適出山。聞說頭陀眠食況。一般縑素所難堪。師出家虎跑。嘗訪師不遇。聞知客僧述師眠食

苦行之况。歎服不已。

大師弘律獨精專。遠紹南山荷一肩。願請復行唐律法。十齋全國斷腥膻。師學宗滿益。持律尤精。唐律多本佛律。每年正

五九三齋月。每月十齋日。全國公私禁絕屠宰。釣捕。官斷死刑。有罰。

三學圓通從戒入。戒為諸佛紫金身。無禪無教難通律。持犯開遮妙用神。滿師謂無禪無教非律也。無律無禪非教也。無

教無律非禪也。

細讀靈峯宗論教。別來旦夕未能忘。千年儒佛相攻案。至是鏘鏘會一堂。癸亥遇師滬上。教細讀靈峯宗論。受益無窮。

佛儒一本萬千枝。不有靈峯孰辨之。名字位中真佛眼。若非先佛豈圓知。滿益大師晚年詩云。名字位中真佛眼。未知畢

竟付何人。蓋非究竟位中再來人。不能有此真佛眼也。

靈峯宗論華嚴海。法法圓歸一道場。廣印多宣勤教學。一般同接毘盧光。靈峯宗論。曲盡儒佛各家之異同。細讀久之。自

知圓妙。

靈峯學社一爐香。願此光明徧十方。滿師嫡胤今師是。乘願重來作寶航。丙子與通屬同人。組織儒佛合一會於琅山。丁

丑開第二次大會於通城。今夏開第三次大會於如皋掘港。改名靈峯學社。以定佛儒真正之標準。而避外道混淆三教之邪說。

文字階梯見佛儒。莫偏觀照入空虛。大師故是文儒虎。來與空門勸讀書。出家人正好讀書。而乃

暮二課。膠執各家宗派。儒佛同衰。家國俱病。非全國縉素歸命滿祖。不能起此沉痾。

菊花生日師生日。晚節偏爲馥郁時。江北閩南通一念。對花禮佛祝期頤。

拜謝仁山大師序佛儒經頌

悲心無量眼圓明。南北塵勞爲講經。千里神交許知己。因緣香火溯多生。
侏儒何幸曝朝陽。形短偏慚影太長。獨喜一宗儒佛印。得師標月好文章。
儒佛原來是假名。隨緣說法盡無生。太空建立如來座。統一儒禪教律城。
靈峯宗論大宗師。邪正偏圓細別之。儒佛自今循正軌。能開萬世太平基。

如皋松橋大師周甲。其門人印行淨土三經爲壽屬序。

父母難日我歡喜。如是豈得爲孝子。衆生難日我生辰。如是豈得爲仁人。喫者歡欣戕者慄。庖廚已化爲阿鼻。強弱天淵奈若何。其如因果難逃避。松橋老人普爲一世憂。來現人間作比丘。曩歲琅山儒佛會。敬仰師德如高秋。今年掘港靈峯社。踴躍赴滬招同舟。太歲庚辰壽六十。門牆濟濟多開士。自生當願衆生生。念佛齋僧買放生。淨土三經超世寶。廣印疏布爲明燈。書來屬謙序此事。適我經頌粗藁成。不嫌凡禽鸚鵡語。隨喜極樂迦陵聲。合印輔行當講義。兒童歌誦翁翁聽。以此壽師兼壽世。願師父母師弟。乃至法界含識。皆與蓮邦調御同遐齡。靈峯學社師碩願。願解儒禪教律千年爭。諸方大德同正眼。不憂孤掌難爲鳴。作始雖簡後必鉅。當與西方萬千俱。胝樓閣同崢嶸。

題張一留仁弟新譯中國淨土教史

一留壯日同門友。垂老同參極樂邦。勤苦一編新譯史。廬山一系本支詳。
 五濁羣生忒甚癡。無明惡夢沒窮期。西方上善同居國。十劫於今未獲知。
 彌陀大願大於天。憶母啼嬰那不憐。駿足萬千歸去也。鹽車騫馬願加鞭。
 萬石梅檀供此編。各分一座紫金蓮。莫將教義尋常看。這是西方七寶船。
 靈峯學說邁諸家。大佛華中第一華。禪淨律儒融一念。莘莘佛子聽無譁。
 靈峯學社徧諸方。在在緣緣是道場。歸馬放牛無用武。大千六字一爐香。

讀高鶴年居士寄示印光法師六十年苦行記謹讚

清苦頭陀六十年。晚年說法動人天。大師自得靈峰眼。高唱西方淨土禪。
 不聞孔孟烏知佛。佛也詩書醞釀成。世出世間樓上下。文鈔幾卷佛儒聲。
 因果兒孫心性娘。彌陀佛是性中王。不離心性談因果。乳裏醍醐蔗裏漿。
 翩然一鶴伴師來。四色蓮花處處栽。護法因緣公最久。寶蓮池裏妙高臺。

讀聶雲臺居士佛法與理性的優生學論讚之以詩

佛法眞爲萬法王。一昌一切法皆昌。明如赫日消諸闇。
喻諸惡 和比春風發衆芳。
喻衆善 無量無邊心境遠。
博厚所以載物不生不滅性天長。悠久所成物 歐公晚讀華嚴卷。謗佛方知錯主張。
歐陽年借讀華嚴經。至第六卷而卒。華嚴發明一即一切。一切即一。性相圓融。爲諸經海。經中文殊淨行品。普賢行願品。尤爲總持法要。歐公卒後其子棗。終日念佛。見客猶手數

珠。

歐公子裴承家學。見客猶持念佛珠。韓遇大顛深契合。留衣贈別表區區。韓昌黎諫迎佛骨、謫潮、州、見大顛禪師、心折服、

臨別留衣紀念。文人謗佛韓歐祖。豈識韓歐已悔諸。引領中央新政教。洗心虔誦佛儒書。重慶國民參政會、通過提倡中國固有文化並推行佛教文化、果能切實提倡推行中國之興有日。

國固有文化並推行佛教文化、果能切實提倡推行中國之興有日。

坡公妙語高天下。學佛方知善學儒。宋蘇東坡云、我惟學佛、然後知儒、真性未明塵見重。因果不信戒心無。佛法

理事雙修。真俗圓融。精一雙照。是為中道。無邊佛性。三世因果。非佛莫詳。五常五戒為操

守。三德三歸作楷模。信五常。歸佛。慈悲喜捨。是修仁。歸法。五戒十善。四諦十二因緣。六波羅

密是修智。歸僧上求佛道。下化衆生。四宏誓願。盡格物致知何最要。持齋念佛是根株。諸佛普

從大悲心發。諸佛正偏。知海從念。佛良心生。故持齋即是格除物欲之本。亦即是格正家

念佛。即修身之本。亦即齊家治國。平天下之本。聖人復起。不易斯言。

刀兵大劫殺根由。挽劫須從戒殺求。蠢蠢含靈原不死。冤冤報復幾時休。戕生偏是戕身法。救物還為

救自謀。出好興戎惟此口。莫貪口腹起戈矛。

王者必世始能仁。胎教端為國教因。天下大權半女手。印光法師說輪迴萬劫起淫心。大乘度衆生、故

首戒淫。天人緣此沉阿鼻。蕩子何能保一身。欲得聖兒須聖母。好將法水洗根塵。首戒殺。小乘了

病榻莊嚴佛道場。居士此論，在病榻中作。維摩夙願未能忘。衆生疾苦勞菩薩。國步艱難乞法王。懺炬能消千

劫暗。狂魔端賴一心降。幾篇拙箸詩文集。也願歌吟徧學堂。拙著小學義家三字經，正學啓蒙三

初續集，陽復齋文集，皆爲學校應讀之書。

儒佛合一研究會。招師範舊友。及學界諸君子。

昔日儒門同學。今爲佛門同學。儒佛原來一家。止是自心靈覺。

由儒入佛易。由佛通儒更通。萬劫千生難遇。好來共坐春風。

金沙顧益三張翰飛二居士。挨家勸化。吃素念佛者。已五百餘戶。真大難期中佛弟子之模範。贈

詩讚歎兼勸能者。

挨門比戶勸修行。救度同胞出火坑。念佛持齋容易事。慈航包送樂邦城。

四衆皆承佛囑人。難中應發大悲心。願張模範同趨步。轉得當頭大福臨。

贈張慧鈞居士求出家詩

出家求做佛家人。免得區區縛一身。一切衆生爲眷屬。如來堂上大慈親。

居士比如當百姓。出家人比做高官。官師一律爲民導。萬目翹瞻待治安。自唐至明。出家皆須經

經典。方給度牒。許剃度。故多高僧宏揚佛法。清順治免考試度牒之制。聽人自由。出家。人品卑雜。佛法從此衰矣。儒佛之教衰。而國家之政治。亦隨之衰敗。可慨也。

在家煩惱出家同。要斷無非看得空。一句彌陀同度脫。三觀心印不離中。

心香一瓣奉靈峯。儒佛圓觀是一宗。到處宏揚儒佛課。同開萬世太平門。

則兩傷。欲復與佛法。非儒佛合一。不能收圓滿之效。

魯尊八十猶勤學。佛聖皆從學得來。讀誦大乘修淨土。無邊自性法門開。

贈季強成仁弟

一眞佛性最清剛。還賴潛修毅力強。細讀靈峯儒釋論。本來面目現金光。

佛將般若教仁王。護佛眞爲護國方。一切是標心是本。聖凡合作固金湯。

仁王護國般若經言。破護國。佛學發明一切衆生高明博厚悠遠之本性。故佛學昌明。則一切政教實業技術皆昌。科學若得佛學之光明。與制裁。則進步愈速。有利無弊。否則放棄身心。專求物質。貪瞋癡熾盛。道德淪亡。與虎謀安。危可必矣。

四合能爲救國方。佛儒文武莫分張。更兼耕讀資生產。新舊圓融一講堂。

儒佛合一。文武合一。聖學與科學合一。庶無偏畸之弊。

大薩遮經談政治。國威豈得廢兵刑。但須根本慈悲意。勿殺無辜小衆生。

大薩遮尼乾子受記經。具談遮尼兵刑之法。但兵刑皆由過去殺業之所招感。故須禁殺一切無辜衆生。以塞其源。唐時法律多本佛律。每月初一、初八、十四、十五、十八、廿三、廿四、廿八、廿九、三十、十齋日。每年正、五、九、三齋月。官私禁絕屠宰。網釣此可法也。

衰齡日暮往蓮邦。救劫酬恩願未忘。一束芹香付賢者。庶幾方便作慈航。

黃燦陽仁弟來書有宏佛願歡喜讚歎答詩五首

書來慰別深歡喜。尤喜賢勞慰所期。曾到西康知寶藏。豈知家寶更豐奇。
大乘法寶藏中國。中國原爲大寶山。家住寶山窮不了。豈非千古一奇談。
轉劫消災容易事。持齋念佛念觀音。神方妙藥家家有。不信甘爲待斃人。
廿載山居一病夫。病中產出幾編書。佛儒妙藥和成餅。極重危疴可頓除。
無權無力自推行。舌敝唇焦少數聽。倘得知音高處唱。不勞週折衆山應。

壽沙士度仁弟六十勸念佛持齋

同客塵寰六十秋。謙虛長空前浩劫助詩愁。彌陀一句愁安在。日日西方可夢遊。

健公已坐寶蓮臺。一曲壘篋望弟來。千劫經過無盡苦。多因愛戀人輪迴。
幾卷詩文且緩錄。先從三學細參尋。妄言綺語刪除盡。好作人間福德音。

七月七日祀牽牛織女二天星

牽牛織女兩天星。照管人間織與耕。女織男耕家國本。更須虔誦佛儒經。
乞巧休貪刺繡文。孝慈勤儉巧無倫。彌陀一句尤方便。引得凡夫入聖門。

壽吳和卿老友七十壽

三十年來佐齋師。廠紗獲利造師資。莫言已是南華夢。諸佛諸天盡證知。
捐資興學育羣兒。喜有賢郎作教師。儒佛一宗主要課。同開萬世太平基。
白嶽巍巍供帝天。得公督理復莊嚴。佛光山社西方路。更願多栽七寶蓮。

贈南通教育局長吳浦雲居士仁弟

學界期君作法雲。一心正定定多心。一宗儒佛提綱課。到處微風播妙音。

贈南高東大中大體育科同學

大體小體自他體。形體紛紛性體同。融却衆生人我相。從茲天下可爲公。
世界由來一戲台。化裝六道久輪迴。諸君欲得金剛體。卽請持齋念佛來。

爲徐悔庵居士說定

定從定。从正。非正無由定。能正在持戒。知正在修慧。當知戒定慧。三一一而三。無戒復無慧。強定名邪。
定。比如石壓草。石去草還生。又如冰底魚。冰泮魚還躍。當知本來心。如鏡恆不動。動是鏡中影。影從外。
緣生。念爲緣所牽。遂入輪迴海。念佛離輪轉。蓮池茁定花。從茲無量壽。長侍阿彌陀。
讀無錫施之勉仁弟。寄示親炙記。樂道可喜。過讚未敢承也。詩以答之。

姚江正學孔顏心。廿載分離見道真。更向良知求淨土。超凡入聖現圓身。
豎窮橫遍是良知。未許拘墟俗士知。無量光中神聖海。憑君一念共棲遲。
佛言萬法盡緣生。極樂奇緣萬德成。試聽靈禽風樹語。良知學說佛音聲。
一句彌陀在在宜。搬柴運水不妨違。行藏隱顯隨緣好。雨寶摩尼到處施。

敬讚心道法師。主張中國佛教會內。分寺僧會。居士會。於必要時。得開聯席會之建議。

宏佛端資四衆功。如飛兩翼軌雙輪。隻輪片翼無全力。況在長風遠道中。
佛會興衰判一言。大師慧照信通圓。瓣香我向遙空祝。濟濟和衷策萬全。

題王慧淵居士集印正法眼藏

正法原來即自心。一心正定定多心。於今未改觀河眼。莫向空花別古今。

末法能真正修行。即是正法。

空假中三千佛眼。人人三眼幾人知。楞嚴圓覺勤參學。自有開三合一時。

空假中一心三觀。即自性寂而常照。照而常寂。

之用故佛言空假中。佛言精一中。無二無別。

以儒證佛理契機。以佛開儒機契理。日月燈三合則圓。用各不同光照一。

滿益大師靈峯宗論。真正法眼藏。為學儒學佛。

不可不讀之書。釋尊孔子後。不可無滿益大師。佛猶日也。儒猶月燈。日雖普照。照夜須月。照室須燈。

一朝悟得本來心。大地山河皆自己。學問之道本無他。求其放心而已矣。

放猶失也。認區區四大為自己。孟子所謂失其

心本

王君觀海乃知泉。泉是支流海是源。一句彌陀真性海。千經萬論盡歸源。無量光。無量壽。是衆生性海。一切經論無不從

此性海流。無不還歸此性海。

陸氏私立重三中學校訓

天地人三。一性圓融。釋老孔三。名異實同。孝弟慈三。敷教之宗。智仁勇三。修德在躬。空假中三。妙用無窮。一宗儒佛。我師靈峯。治世超世。得師而通。發揚光大。正自蒙童。淨持五戒。親厚五倫。持齋念佛。入聖之門。修身作則。家國斯從。庶幾聖學。舉世同風。

壽繆敏之吾友七十勸念佛

自古人生七十稀。好隨呼吸念阿彌。養心養氣求仁法。無量光生一念微。一卷龍舒淨土文。彌陀寶地此三門。孔顏樂處從何覓。極樂家鄉默憶中。大乘圓教斥偏空。空色圓融乃是中。借幻修真成佛果。比於泥裏出芙蓉。堯舜湯文逮周孔。皆爲古佛再來人。齊家治國平天下。更復金剛不壞身。卅載因緣夢寐親。齋公門下作門人。而今約共西方路。七寶花中壽此身。衆生求壽皆如我。夜半屠門盡痛呼。倡導大悲宏壽域。應從斷肉食瓜蔬。

壽蔣竹莊老居士七十

修竹微風擺俗塵。辛勤儒佛古稀身。追隨彌勒生辰後。乘願而來第二人。

壽趙運昌居士六十

儒教昌時佛運昌。緇衣來自白衣郎。四書六藝如來髓。鷲嶺尼山一道場。耳順反聞聞自性。聖凡同體寂而光。總持六字西方路。普勸偕歸極樂邦。

贈聞蘭亭老居士

久聞海上老聞公。何幸歡談一會中。契合同心蘭氣似。知公久已反聞聞。靈峯宗論佛儒宗。真俗圓成不二門。願播此書千萬冊。廣孳儒釋好兒孫。讀麗水陳趣園居士發明仁者無敵。普勸一致救劫文。勸提倡佛法。易園拜讀趣園書。的是前緣趣不殊。仁者自他無間隔。何來怨敵動戈戈。割肉烹鮮樹敵因。都因饕餮失仁心。舌頭釀下刀兵劫。翻向蒼天怨不仁。

無敵之究竟義。

廣勸戒殺持齋念佛念觀音聖號爲宏揚仁者

攬鏡一觀因果現。鏡中喜怒是誰因。漫天燒盡諸功德。都爲無明一念瞋。勸君細讀靈峯論。儒佛圓融澈一心。萬世太平從此立。願將字字鑄黃金。

明本。上海佛學書局出

版。爲學儒學佛。不可不讀之書。

讚清程易疇禹貢三江考。先生欽人。字瑤田。爲家慎修公弟子也。

黃瀆扶疏藉九河。楊江彭蠡匯洪波。下游崖岸江流狹。賴此瀦成大滌滯。九河在山西河間府。俗名無山府。黃河至此。疏

爲九支。如木之扶疏。故中江曰胡蘇。河水得此疏洩。故無泛溢之災。九河塞而黃河之患不絕於史書。彭蠡猶言大螺。以岷江漢水及南贛之水。銜匯而成大湖。下游兩岸石

山。江流狹束。賴彭蠡之儲。而江水無泛溢之患。

程翁經術利人多。神禹奇功不可磨。溝洫滄川深廣倍。匠人水法本先河。周禮匠人水法。訓廣尺深尺。遂深廣倍之。溝洫

滄又迭倍之。以注於川。孔子稱禹盡力溝洫。周禮蓋本於禹貢也。

題宋蕭江先祖西堂公餉軍圖。岳武穆侯之討揚么江西鄱陽也。取道新安。師次中平。公助餉焉。侯賦詩以贈。又請於朝。賜額忠裔以旌之。

精忠千古岳家旌。早定楊么八日平。輸粟餉軍同報國。金臺豈願共功名。

忠義雙存一幅圖。如山軍紀費追摹。而今又見長城壞。願假餘威鎮朔都。

附岳武穆贈西堂公詩

西風獵獵展旗旌。鄱水湘江不足平。早晚黃金臺下去。與君攜手共功名。

題藹仁姪孫所藏清廬江教諭龍光公手書聖教序。勸影印流通。

聖教奇文字字珠。莊嚴巧集右軍書。吾家別有蘭亭筆。願乞分光照太虛。

答謝吳和卿居士來書厚望

書來多謝表同情。陽復詩文利衆生。工作廿年供課誦。止須大力助推行。拙著初小用義蒙三字經。高小中學用正學三字

字頌。陽復齋詩偶集。大學用儒佛合一救劫編。上海佛學書局印行

因緣時節自天來。沾者殷殷買者誰。七十二君游歷徧。仲尼依舊魯邦回。

尼山萬世賴詩書。刪定勤勞信不虛。凡聖天淵難竊比。四恩當報是區區。天地、父母、國主、師。是爲四恩。衆生、卽過去多生

父母。

贈金崇如仁弟宗華請書崇如、時爲江蘇教育廳長。

獨尊無上是眞如。生佛天淵性不殊。無量光明無量壽。彌陀一句寶花敷。德之不修學不講。文宣嘗謂是吾憂。一宗儒佛靈峯論。願共宏揚振萬流。

贈沈豹君董滌青仁弟

白鬚弟子沈豹君。頻頻願我春江濱。短鬚弟子董滌老。歡喜相隨來問好。我長一日豈當師。夙世因緣今合之。當年同學並英少。豈意一瞬生霜髭。當知身老心非老。願與佛儒肩大道。奮師止老今西歸。後賢記取前賢徽。豹君豹變金剛身。滌青滌盡輪迴塵。現前一念無邊海。七寶蓮池作比隣。

贈釋光通一如二師

性海光通故一如。古今生佛性無殊。勿忘六字歸家路。穩坐三乘避火車。音居盡謂逃儒方學佛。豈知通

佛始知儒。靈峯宗論千秋眼。識得輪王髻裏珠。輪王髻珠見法華安樂行品。

祝游敬修親家五十壽

念佛應成無量壽。護生多毓好兒孫。莫言五十娑婆客。已是當來覺世尊。

游敬修親家寄示小影

相看千里面。相憶一般心。一句彌陀佛。同修極樂因。

答蔭園弟詩

幾劫靈根一處栽。談詩論學兩心開。多生兄弟今如故。更共蓮花七寶胎。

讚蔭園弟幽蘭詩

細讀幽蘭什。如聞空谷香。萬千紅紫色。慚愧混春光。

蔭園弟、自江灣寄書及詩、述佛光社設國學專修館、聞之歡喜、亦可名曰靈峯學院、學儒學佛、皆當以蕩益大師為宗師、靈峯宗論為法要、方為真儒真佛。有明一代儒佛大師、如宋濂、王陽明、紫柏、蓮池、憨山、皆融通儒釋、而蕩師集其大成、人身難得、佛法難聞、聞儒佛一宗之正學、尤難社址勝妙、當增建齋堂宿舍、以居學者、且為春冬兩季大會之用、謹述愚見數首、敬告遠近社友諸君、幸共助成之。

山中好句寄將來。沂水春風又一回。儒佛詩書今有種。釋尊尼父笑顏開。英英童冠聖賢根。簇簇羣

山繞佛門。儒佛門庭休錯認。心香一瓣向靈峯。治亂無非我一心。一心能使運升沈。孔稱積篋能成嶽。易讚同心利斷金。

紫芝軒歌贈章靜軒居士。戊寅初秋。因避廣運鄉匪亂。客紫芝軒作。

黃帝經稱藜藿壽。孔家蔬食菜羹湯。商山四皓漢高士。日採紫芝充稻粱。蘑菇香蕈佐齋饌。數典此祖焉能忘。自古仁人皆素食。不忍宰殺號猪羊。積成怨毒刀兵劫。皆由肉食生災殃。君家紫芝信靈異。肥圓徑度六寸強。欲令世人仁且壽。地神獻此芝中王。傳諸子孫置上座。勿令腥穢汚肝腸。食蔬食肉治亂本。請君廣舌同宣揚。更念彌陀離五濁。同餐法味金蓮邦。我來託庇仁人宇。留此思君曲一章。

和勾山樵叟章靜軒居士六十自壽詩

莫嫌樵叟手無柯。坐擁湖山得福多。耳順况聞空假法。巍樓日暮侍彌陀。

答陳宗棠仁弟

執我執法多煩惱。二執空時煩惱消。辦得和顏兼愛語。衆生海裏任逍遙。

答顧時輔仁弟

白樂天詩難在易。慈悲普曉一般人。能將文字生功德。不負辛勤伏案心。

張澤民居士囑作傳家寶詩

持齋戒殺傳家寶。念佛生西入聖途。養得一心春意滿。自然萬樹好花敷。彌陀要解言言玉。安士全書字字珠。大學佛儒通一貫。蕩師直指勝程朱。

堪輿爲孝子仁人。葬祖安親。利益存亡之學。智者不可不知。救世之士。當先宣告善惡因果。正報依報。皆唯心造。勸止惡修善。然後以此法救濟之。若乞靈於地理。獲罪於天理。則轉福爲禍。求吉得凶。不可不慎。謹爲堪輿偈六首。庶幾世人不爲俗師所誤。漢益大師以華嚴說風水陽宅見靈峯宗論

禍福原從善惡移。自因自果豈容私。若能止惡還修善。定有神祇輔相之。

地理三書要了知。就中入地眼爲師。讀後細參琢玉斧。更有山洋賴指迷。入地眼。琢玉斧。山洋指迷。爲地理中三要書。本

開化程慶餘先生說。予家先嚴先慈先室三墓。皆先生所扞。

坐向陰陽兩淨宜。輔星水法最靈奇。尙須淨裏除陽刃。八煞黃泉並遠離。坐山及朝向。均依淨陰淨陽輔星水法。仍須避

去八煞黃泉陰陽二刃之凶。

室中八宅梁爲主。門外災祥路是依。輔星水法陰陽宅。一例推求不用疑。萬水盡放干維好。地支去水損丁財。歲時冲合災復起。禍福曾經實驗來。發族先坡多正向。一心一德福緣多。自從兼向陰陽混。禍起紛紛喚奈何。

與陳訓丹仁弟論文字形聲通於佛理。

一卽萬之性。萬卽一之形。性量無盡。故形相亦無盡。此一遍一切。字亦如是觀。許書累萬字。惟一更無餘。一卽一之橫。一卽一之豎。口口一之曲。ノノ一之斜。平等中差別。差別中平等。通此可悟道。小學卽大乘。我有說音書。妙證陰陽母。陰陽二非二。共命如鴛鴦。佛法如鴛鴦。不二亦如是。歸依無量光。卽是寂而照。歸依無量壽。卽是照而寂。阿彌陀一句。三藏之總持。欲識此中妙。念茲復在茲。能超生死海。能淨貪瞋癡。人身非易得。傳語所相知。

井田詠寄劉靈華居士十五首

大陸新開闢。洪荒甫底平。井田乘運定。如水順溪行。方井九百畝。其中爲公田。八家同種作。義利公私兼。出入得相友。守望得相助。疾病相扶持。百姓自親睦。三十始受田。六十歸官裏。不憂無祖遺。不憂有敗子。人多田漸少。拓之在墾荒。闢土居新民。君哉比爺娘。或爲工醫巧。或以貨行商。皆因田不足。逐末求衣糧。賣田起商鞅。貧富始懸殊。富者連阡陌。貧人無立錫。甚貧易爲僻。甚富易爲驕。豈惟生計病。風俗從之澆。古法餘陳史。千秋尙夢思。畫將三代餅。不療萬方飢。順時治以興。逆時亂以起。今日復井田。醍醐成毒矣。療飢良有術。中國半荒童。兩漢興農詔。重揚草上風。學子及軍人。盡教開荒去。餘力以學文。古者禮樂射御書數。皆謂之文。旣耕且還讀。大同傳禮運。運字好尋思。孔聖云何歎。今當滅劫時。萬法歸因果。因真果自如。經營憑勢力。便是火刀途。釋孔慈悲海。彌陀究竟船。

普賢眞佛種。十願攝華嚴。

贈高得心仁弟

心無相。無不相。心無知。無不知。心無能。無不能。心無得。無不得。如是得。如是心。無邊量。無古今。隨處是。不可尋。十法界。同一心。得乎心。應乎手。心即手。手即心。眼無見。見者心。心即眼。眼即心。如是知。知人心。如是觀。觀世音。時念佛。時觀心。極樂國。許相親。阿彌陀。證汝心。度衆生。度自心。成佛道。圓自心。吾師乎。大心人。

題游生有維三字經注解

戶誦家傳三字經。千年鄉塾作初程。佛儒妙義增新句。養得兒童大器成。

儒佛一宗無上道。兒童豈解義深圓。聖功要自蒙時養。山下泉聲是海源。

易經上艮下坎為蒙卦。艮為山。坎為水。象曰山

下出泉蒙。君子以果行育德。謂以聖人果地之妙行。育成兒童。因地之道。心也。泉海雖殊。水性不二。積泉成海。積善成聖。其理一也。

儒佛融通萬世師。靈峯一脈望來茲。精詳解注功非小。努力前途七寶池。

有孚有維自婺源。攜山中蘭花二本。來三餘海濱耕讀處。供佛。花開喜賦五言一律。

舟車千里草。彷彿故鄉人。開汝山中抱。來為海上春。二蘭兄弟瑞。千佛妙圓心。欲悟拈花妙。無言會一

眞。即性

讚汪洪再歡甥女。歷險尋親。竟得遺骸。棺衾禮殮。並勸長齋念佛。助父生西。

孝女真誠感佛天。遍尋父骨歷山川。危崖絕壑深林裏。竟得遺骸入槨眠。

乃父恂衆所稱。爲償宿業喪餘生。虔心送往蓮花國。助念彌陀萬德名。

佛心汝心汝父心。三心原是一般心。譬於借電通談話。萬里猶如當面人。

贈星命學家袁樹珊先生

袁公談命滬江濱。獨樹巍巍出衆林。與父言慈子言孝。君平以後有斯人。

性命原來共一心。命皆有限性無垠。欲知性命真因果。佛是窮源竟委人。

生死。惟佛一人。壽命無量。

衆生愛命皆如我。遇死臨危盡痛呼。欲得消災延福壽。勸他斷肉食瓜蔬。

永劫刀山與鑊湯。可憐地獄壽偏長。欲離六道輪迴苦。念佛求生極樂邦。

陰陽消長義文學。雖聖猶難澈底源。要識命根由我種。細參三世佛陀言。

本性不變隨緣。隨緣不變。一切自因自果之謂也。乾即聖凡。同性。豎窮橫遍。生天生地。卽了元禪師所謂大千都作一禪床。是也。性本不變。而隨緣。此亦隨善緣則修善。隨惡緣則作惡。如木馬泥牛。皆隨緣所造。唯心所現。又如金可爲佛。此四聖六凡十法界所由立。而六十四卦凶悔吝所由來也。說寂而常照。照而常寂。爲易。易卽本性之光明。易有陰陽。卽吾心之寂照。與三業之善惡。說寂而常照。照而常寂。

六道衆生命。有分段易死。二乘善薩命。有變易

故陰可生陽。陽可生陰。善可生惡。惡可生善。如因善生福。因福作惡。因惡生禍。因禍世之因果。澈性命之源者。其惟佛乎。

念念能生極樂邦。無邊壽命比天長。儻修季主君平墓。六字彌陀刻墓堂。南無阿彌陀佛。譯言之。即是歸依無量光明無

量壽命之正覺。生極樂。斷輪迴。即是光復不生不滅之本性。

淨土釋疑詩贈念佛同人

十方諸佛菩提樹。栽就圓明念念中。一念無邊休藐視。十方佛土此中容。當深信自心無量無邊。不滅。與佛同體。十

方諸佛土。皆在我無邊心內。不但西方。

阿彌陀佛我慈親。憫望兒歸十劫心。垂手相招牽不得。待兒自肯便離塵。當深信阿彌陀佛是我大慈悲父。盼我往生。於

今十劫。但須自肯。一念便生。

生西豈待命終年。念念歸依佛面前。光裏經行華裏坐。無邊聖眾共周旋。當深信一念念佛。一念生西。念念念佛。念念

西。南無阿彌陀佛。即是歸依阿彌陀佛。歸是到西方。依是靠了佛。徹悟大師謂即念佛時。即見佛時。即成佛時。即求生時。即往生時。即度生時。淨土祕要。盡於此矣。

作客娑婆忍辱先。逆因緣是好因緣。不經三伏炎陽火。那得花開四色蓮。當深信一切逆緣。皆是一助。我求生淨土。勝於一

切順緣。使我留戀娑婆。

善因善果莫疑猜。挫折多因夙業來。佛教怨親平等看。雪中梅蕊笑顏開。當深信善因不招惡果。苦報別有前緣。佛言因

親有怨。可知今怨。即是昔親。故當平等看待。

十界無非我。一心休戚要相親。逢緣廣播彌陀願。同作蓮花國裏人。
當深信四聖六凡十法界。皆我一心所造。故當

互相親愛。勿相侵害。逢緣廣勸戒殺。行善持齋念佛。同修淨土。同出輪迴。

小大形分性一體。勿因惡小輒輕嘗。刀山劍樹唯心造。見惡當如避火湯。
當深信小大不二。相異性同。纖毫惡念。即是無

邊。三途果報。受苦無窮。

慈山晚歲斷凡情。日課彌陀六萬聲。佛念多時凡念少。一心輕重似天平。
當深信是心作佛。是心是佛。是心作衆生。是心

是衆生。滿益大師云。一串數珠真秘訣。謂記數念佛。是淨心要法。

雲灣蕭江新祠。三層樓上層。擬名追遠樓。中供西方三聖像。旁配以周漢梁唐蕭氏遠祖蓮位。中

層供易姓始祖禎公以下歷代祖先蓮位。略述祖宗累世之德。並紀知源復建祠宇之功。作詩

五首以示後人。

西方三聖位中央。蕭叔何公配兩旁。左尊梁武宏儒佛。右溯昭明啓李唐。十葉金貂分兩翼。萬年香火

映三光。慎終追遠崇民德。模範還同季氏堂。
宋公之叔封蕭邑。名大心。爲蕭氏始祖。梁武帝。爲

皆武帝後。其八葉皆昭明太子之後。詳見唐書宰相世家表。南通餘西大悲殿。卽季氏宗祠。中兩進供佛菩薩聖像。旁供祖先。請僧住持香火。故歷久而整潔。松柏牡丹。皆數

百年物。子孫昌盛。冠於通海。

柱國禎公易姓江。篁墩避難發三房。董公婺地爲初祖。鄭弟溪南守墓場。季是威公隱開化。皆懷明德永馨香。至今會祭溪南墓。各派孫曾聚一堂。

禎公爲唐上柱國江南節度使。父宰相。避公易姓。避難歙縣篁墩。

旃源一水分多派。日月光天德五房。龍尾港川成望族。梅林嶺下保幽芳。旃坑故里承先業。敵祖雲灣冠一鄉。漕督建祠殊偉奕。慎公考禮最精詳。

祖德還當教後賢。長民輔世二千年。持齋戒殺居安宅。救苦施貧闢福田。融合佛儒真富貴。敦行孝弟是英賢。佛光母社光無盡。廣種西方七寶蓮。

漸愧爲衣不慧謙。南通負笈共知源。海天風雨開農畝。師弟通寧濫講筵。岷也辛勤成大廈。我惟文字結良緣。幾編儒佛詩文箬。願與當來口口傳。

岷任農墾、謙任教育、同佐膏師。

答友問命

七字隨時念。八字隨心轉。南無觀世音。感應隨時現。當爲立命人。勿爲命所騙。念佛生蓮邦。是爲止至善。

自題照像

從頭覷破原非我。捨此何從更覓真。妙語靈峯能破的。法身不捨現前身。法身如海此如漚。離海何緣覓這漚。卽影卽真誰你我。休將一體更歧求。

易園自題

萬有皆吾枝葉相。乾坤是我大根荄。春秋盛暑嚴寒友。松柏冬青翠竹梅。灼灼寶花莊菊圃。纍纍圓果望蓮臺。我是主人兼是客。西方淨國盼歸來。

大佛頂首楞嚴經。大勢至菩薩念佛圓通章。都攝六根。淨念相繼。得三摩地。斯爲第一四句。爲全部楞嚴經之大總持門。偈贈袁舜卿仁弟。舜卿曾以家釀蜂蜜見惠。兼以誌感。

喜聞精進袁居士。念佛兼參佛頂經。勢至一章三昧祖。恆沙諸佛共修行。蜜是中邊一樣甜。法無高下首楞嚴。於中却有蜂王食。第一圓通念佛篇。

勸推行三圓放生團辦法

陶德乾居士名芳。字叔鏞。爲東台裕華公司經理。皈依印光法師。素食念佛。宏揚淨土。兼以中西醫術濟世。創辦裕華佛教居士林六年。勸化甚衆。頃寄示三元放生團辦法。每人發願。每日捐銅元三枚。誓願作放生功德。富者以卅元存款之息。永作助放生。貧如乞丐。亦能每日多索二家。滿此一願。隨時隨地。皆可行之。誠大衆消災免劫。增福延壽。發大悲心。行菩薩道之妙法也。因放生而戒殺。因放生而吃素。因放生而念佛。以善引善。由明入明。一以貫之矣。惟願全國全世界。慈善仁人。及各地佛教機關。提倡而推行之。爲徵善友。作偈宣言。

佛說刀兵慘劫。殺生共業所成。後果必有前因。自作還須自轉。每日銅元三枚。終身買放生命。富者儲金卅元。永作放生之息。乞兒多索三家。也能滿此一願。費少功多易行。積福消災延壽。更有賢子賢孫。來做汝家後代。每月報告三寶。證此放生功德。印送戒殺善書。功與放生一律。更兼念佛持齋。必到西方樂國。普願世界人人。消此刀兵浩劫。

勸推行三圓放生團詩

漫天飛彈起。驚惶夙怨而今變。武裝海陸空。三屠殺報。放生戒殺是慈航。多難興邦自古然。要須共結佛天緣。我救衆生天救我。大家來上大悲船。長齋方斷諸般殺。戒殺還須買放生。過去六親呼救命。聽來天耳甚分明。怕死貪生物物同。形骸雖隔一心通。臨危遇救銜恩重。或報當身或子孫。日捐三個小銅元。買得無邊大福田。費少功多同免劫。乞兒有份種青蓮。推行善願誓終身。養得慈悲願力深。更勸持齋常念佛。將來決是樂邦人。

題碧雲大師牛羊雞犬四畫

稽首牛居士。君真不素餐。一生止芻草。百姓免饑寒。兒羊猶跪乳。可以人不如。至德無如孝。天經契佛儒。

風雨連天晦。雄鷄夜夜鳴。爲憐生死夢。苦口破迷情。
身外無他物。終宵不肯眠。從君參佛性。第一報恩先。

勸賭人學佛詩

勸遊佛海勿遊湖。海是龍王百寶都。安士全書因果海。龍舒淨土法王珠。
千生難得一爲人。五戒修持受此身。莫把人身作孤注。彌陀一念勝千金。
小博難辭是盜心。世方患盜賭爲因。風行草偃期君子。杜絕穿家雀噪音。

江北某甲性兇惡。民國十二年大病。一雲水僧告之曰。爾作惡多。當墮豕身。宜速懺悔。某甲懼。舉
一左手。向僧作禮。僧曰。止此一手。可免豕形。惜哉。僅此一手也。然因此可免一刀之苦矣。某甲
卒。近鄰生一小豕。前面左足作人手形。行時此足不着地。常向人作舉手狀。其家人贖送上海
寶華寺放生園內。已十年矣。狄平子見之。紀其始末。由鏡花照省館攝影傳之。此可證善惡因
果。絲毫不爽。禮佛一拜。功不唐捐。

人豕皆從一念萌。禮僧一手尙人形。若能五體都投地。定免來身變畜生。

寄題各名山捨身嚴並警告各種自殺人

勸君勿捨身。此是闍王路。劍樹與刀山。無人來救汝。誰知死後人。更比生前苦。不如念彌陀。回向西方

路。念到命終時。蓮花來接汝。得生極樂邦。永斷輪回苦。南摩阿彌陀。是汝慈悲父。使汝煩惱根。消滅無尋處。聽我忠實言。莫把人身誤。

答親友問六十生日

生死是醜事。衆生以爲美。生死是苦事。衆生以爲樂。以是顛倒故。萬劫在輪迴。我今聞佛音。不樂醜與苦。希彼無生樂。普勸念彌陀。我性無量光。我性無量壽。云何愛短命。祝此臭皮囊。但當報四恩。宏彼無生法。我壽在文字。不在此皮囊。區區涓滴心。妄欲補滄海。以本佛聖語。我乃播音機。各各語所知。是則我同好。同歸無量壽。同復無邊光。

葵白公路通車代表民衆祝詞

公路通車。空前大業。老實說來。有利有弊。利在交通。弊在生計。外貨傾入。莫之能制。內資傾出。莫之能繼。不亟圖謀。危哉待斃。我有俚歌。勸興林業。法簡易行。有利無弊。非有大力。誰聽誰行。不行民窘。行則民生。保民禁火。區保合營。官民互助。必底於成。庶幾當路。採此愚情。

書贈餘中小學習禮室

禮記云。鸚鵡能言。不離飛鳥。猩猩能言。不離走獸。今人而無禮。雖能言。不亦禽獸之心乎。孝經云。移風易俗。莫善於樂。安上治民。莫善於禮。禮者敬而已矣。孟子言。敬人者人恆敬之。愛人者人恆愛之。佛經

云、禮佛一拜、罪滅河沙。諸菩薩羅漢、乃至諸天帝天王、禮佛皆五體投地、頂禮佛足、何況人類、故邵康節見佛必拜、必恭敬至誠、身心俱益、罪障冰消、此尤習禮者所不可不知也。

禮是莊嚴德性身。人而無禮曷爲人。猩猩鸚鵡能人語。只是威儀不若人。天猶禮佛況人羣。拜佛端爲得佛因。一拜能消無量罪。晨昏頂禮要慇懃。

爲百歲老人馬相伯先生上壽歌

上壽八萬四千歲。百歲老人嬰兒子。彭祖處胎八十年。百年出胎二十耳。真如老人無量壽。八萬四千朝暮似。孰壽非壽無定評。請向佛陀窮所以。佛言蜉蝣蟪蛄皆是無量壽。以性奪相原如此。自從無始至今茲。我輩何曾真一死。換衣徙宅忙有之。主人無恙無憂喜。衣敝宅壞風中塵。來去何關主人事。此衣此宅誰合成。地水火風四原質。如是四大徧虛空。隨借隨還無暫止。如是剎那剎那中。難向忙中寫壽字。一殘醜醜壽馬公。祝向蓮邦求淨侶。天堂福壽有盡時。西方性壽無窮旣。聖神如海一堂中。豈惟寶閣黃金地。娑婆濁世小年多。聞之驚怖疑非實。迦葉尊者信不疑。百二十齡出家爲佛子。阿彌陀佛萬德名。以之呼吸如空氣。蓮邦雖遠一念中。不疾而速不行而已至。自晉慧遠起蓮宗。歷代聖賢歸接趾。先生當是再來人。盡此醜醜無上味。

記洪程坤意女居士學經

坤意老人七十五。日誦彌陀三萬數。我勸更學彌陀經。自云老矣行歸土。又因暗鈍未知書。文字無緣空歎慕。我謂老人勿自瞞。衆生佛性由來古。萬劫經過猶少年。勿將上壽推彭祖。業雲遮障日潛輝。多生於書無不讀。但發慇懃肯學心。一日一句無何苦。積之千日誦已多。不學終身聾且瞽。老人聞之心意開。但愁忙碌爲家務。烹飪澆濯身任之。豈有工夫修此福。一朝失足右臂傷。衣食需人爲佐助。却因病苦得清閒。月餘臂健經隨熟。壯年婦女爭學之。從此經聲聞比屋。我書學字勸人人。脅祖耄齡參也魯。

佛弟子脅尊者。年八十出家。晝觀三藏。夜習禪思。先人得道。孔子謂曾子參也魯。而孝經一貫之傳賴之。

辛巳冬假滬鴻英圖書館寫陽復齋集館長沈覺靈先生贈詩敬步原韻。

沈公許鄭老經師。久別何緣會合之。天爲斯文留耄耄。誓宏正教覺愚癡。書城一座滬江濱。北雁南來許作賓。老孔耶回歸佛海。願勦筆舌作調人。

辛巳仲秋觀日蝕詩步沈覺靈先生青年會九層樓詩韻意本大涅槃經。

得聞佛語比登樓。日體常圓露一鈎。不是阿誰能食日。修羅伸手障高秋。佛經言阿修羅王。足立海底。手及須彌山頂。好

與天帝戰。敗時遞入藕絲孔中。日月運行在須彌山之半腰。山頂則天帝所居。爲一小世界。四天下之中區。其山四方。四寶所成。東金。西銀。南琉璃。北水晶。吾人地居南瞻部洲。仰見天空青色。卽琉璃寶光也。讀者請檢閱陽復齋詩偈初集須彌山歌及日月天子歌。

奉懷仁山法師盼滬上

一心禪教律兼儒。五色盤中淨寶珠。十卷靈峯儒釋論。願師妙舌廣長敷。
滬瀆佛儒龍象海。萬方多難避風來。大師偷願乘雲至。定有文明氣象開。

贈百三老人楊草仙翁

百三老人楊草仙。長鬚掛口蒼髮披兩肩。兩脚輕健如青年。去來自在何翩翩。
艸書宛轉龍蛇聯。如讀懷素芭蕉箋。翁居蜀地崇山巔。避難來此春江邊。日必鬻書掙飯錢。
少以自給多散施。毀之譽之笑媪。胸無煩惱無罣牽。不貪食飲善睡眠。
運動操作任自然。老不知老仙乎仙。無常避跡閻羅憐。留與人世爲莊嚴。
六六孺子曰江謙。與翁今會由前緣。壽翁一曲巴人篇。昔因今果徵佛言。
翁今得壽宿世不肯餐腥羶。刀兵大劫非由天。衆生殺業怨報冤。持齋戒殺獲福當綿綿。
一句彌陀無量壽。祝翁兩脚生金蓮。

徵印陽復齋叢刊。陳君黑翁。創印精裝本。楊君企賢。創印普及本。異曲同工。各有所契。詩勸和者。

真儒真佛國爺娘。政教從之定主張。離則兩傷合雙美。印公法語耐思量。
萬益大師、謂儒之道德、學業、是佛之命脈骨髓、

有真儒乃有真佛、印光法師文鈔、謂儒佛二教、合則雙美、離則兩傷。

儒佛孫枝多病痛。靈峯宗論大醫王。此書十萬行中外。真佛真儒大放光。
明萬益大師靈峯宗論十卷、集儒佛之大成、楊

州江北刻經處板，今爲提要一本名曰靈峯儒釋一宗。論其要旨，開眼爲先，持戒爲急，融會各宗，歸於淨土。

廿年箸述祖靈峯。化作山歌課子孫。口誦心惟成佛種。庶幾正眼不昏蒙。陽復齋三字頌詩偈集，皆本漢師佛儒一貫之

精義而爲兒童可歌可誦之詩文。

印公十載關中坐。廣長舌相賴書詩。陳楊大願真堪喜。更盼羣賢互助之。印公不出關，而成教於國，數十萬部安士全書，

印光文鈔，流通之力，學者先敬讀安士全書，印光文鈔，以啓初機，起淨信。更細讀靈峯宗論，以開圓解，起圓行，誠金臺上品往生淨土之資糧，亦調和儒禪教律，爭論，統一末世法散亂人心，而爲萬世太平之基礎也。

高吹萬老人積書四十萬卷，夜半被人負之而走，豈不可惜。然當作布施想，楚弓楚得未爲失也。

金經所謂無人相、無我相，便是金剛般若實相，悟此實相，勝於無量七寶布施，所獲福多矣。偈

以慰之。

四十萬卷成一繭。乃公南面繭城居。而今繭破蛾飛出。無量光中任自如。敦厚溫柔詩教好。慈悲孝

悌佛儒門。先生積厚流當遠。宜爾盈庭子子孫。先生善毛詩學，工古文詞。

壽聶雲臺居士母曾崇德太夫人九十，兼呈陽復齋詩偈集及淨土五經，母爲文正公之女。

湘鄉賢女人間母。淑慎慈光照世多。更有佳兒儒佛種。一家朝夕覲彌陀。書生上壽無他獻。一卷巴

人下里詩。祝願歸心安樂國。壽當無量阿僧祇。

辛巳孟夏爲有維堦與有貞女補行冠笄禮致頌詞

始加古用緇布冠。今可用古制。頌曰。

令月吉日。始加元服。緇布之冠。太古之樸。儉故能廣。聖訓皇皇。勸爾儉德。景福無疆。如來聖號。一誦七遍。

再加古用皮弁。今用絨緞瓜皮帽。頌曰。

今日吉辰。元服再加。古之皮弁。瓣合如花。頂受大乘。六波羅密。自學教他。佛儒合一。

三加古用爵弁。今用官禮帽。頌曰。

以歲之正。以月之宜。三加元服。爵弁巍巍。佛有好爵。與子糜之。無見頂相。爲天人師。

三加禮畢。頌曰。

男冠女笄禮。人道之初基。古年皆二十。先後或權宜。五常本性德。五戒得人身。修身正家國。勉之惟一心。誰爲萬行首。孝弟光無垠。

陽復子曰。女笄禮無三加。但用後一頌。笄簪也。有安髮係冠二種。女惟用安髮笄。古男子兼用二種。今皆不用。冠笄成人之禮。冠笄而後婚嫁。能成人而後能成家也。今爲有維堦與有貞女補行冠笄禮。以古三加頌詞易數語。所以顯儒佛大義。適時世之宜也。願大雅教正之。

贈有貞女同有維堦行歸寧禮 辛巳四月二十五日。在南通三餘耕讀處。

喜汝在家出嫁。一堂歡樂盈盈。不離父母兄嫂。却是女子有行。此日一宗儒佛。他年兒女孫曾。歸依自

性三寶。便是永遠安寧。萬億西方樂國。不勞開步攀登。

有維名學坤號念乾說

念性光明即念乾。坤維載物要承天。居仁由義參天地。養得心中氣浩然。地藏羣生大願船。願將佛日照無邊。淨持戒律為心地。下學端為上達緣。秦嶽巖巖人却步。平平大地衆相親。布施忍辱常禪定。萬物資生萬古新。八德修持賴四維。四維解放國顛危。人人禮義兼廉恥。此是金湯固國基。

淡為肺病神方亦為心病神方偈

肺病多因好喫鹹。菜多飯少恣貪饒。但能食淡無須藥。氣暢痰消體健安。三德無愆六味宜。淡通五

味更須知。醫王妙藥無非淡。一淡身心百病治。音遲

予女有貞肺病經年諸醫不效服大悲咒水及白粥一月而全愈又予第三孫病咳半年察知其食時多食蔬菜飯後又不飲茶故痰涎膠結肺氣不舒今改習慣咳亦漸除因思予先伯父好鹹但性儉有節其孫伴食遂成肺病十數年中西醫藥無效而死肺病如是心病亦然若名利世情不淡則憂愁鬱結不能自解因之殞命者多矣淡之為清淨柔順依時謂

漢楊震四知讚 為楊顯澤居士作

後漢書楊震傳。震字伯起。弘農華陰人。明經博覽。無不窮究。諸儒為之語曰。關西孔子楊伯起。五十始仕。四遷為東萊太守。當之郡。道經昌邑。故所舉茂才王密。為昌邑令。懷金十斤以遺。震曰。故人知

君君不知故人何也。曰：暮夜無知者。震曰：天知神知。我知子知。何謂無知。密愧而出。性公廉。不受私謁。子孫常蔬食步行。故舊長者。或令為開產業。震不肯。曰：使後世稱為清白吏子孫。以此遺之。不亦厚乎。自震至彪。四世大尉。德業相繼。為東京名族。今甘肅臨洮楊顯澤居士漢公。關西夫子之裔孫也。多聞直諫。有祖之風。方修淨業。請為其祖讚。讚曰：

天神人我。一體非離。一知徧知。一欺徧欺。經教誠意。曰：毋自欺。十方手目。實指視而。以此訓後。清白無疵。以此歸佛。往哉蓮池。

讀後漢范滂傳。惜其以直取禍。有澄清天下之志。而未知聖人隱惡揚善之妙用。偈以弔之。

曠火能燒功德林。柔和伏虎佛悲深。聖人隱惡而揚善。此是澄清天下心。大法東來自漢明。難聞難信豈難能。持齋念佛澄心法。身正家齊國治平。

讚唐初賢相魏徵

魏相真為王者師。君心一正國隨之。四年貞觀成王化。地下猶應服德彝。太宗歎久亂難治。徵謂

德彝斥為書生妄語。貞觀四年。政教風行。夜不閉戶。路不拾遺。是時德彝已死。太宗歎曰：惜不令封德彝及見之。

主明臣直喜融融。賢后偏多內贊功。十漸大書屏障上。昔勤今怠五更鐘。太宗一日在朝。被徵折

服賀曰：主明故臣直。妾敢不賀。太宗轉怒為喜。徵以始勤漸怠。始儉漸奢等十事諫。太宗嘉納。書屏障以自警。

送終儉素謝虛榮。賢相賢妻一國型。可信齊家能治國。豈徒直諫博忠名。徵薨。太宗欲以優厚之禮葬之。徵夫人裴氏以

徵平生儉素。厚葬非其志也。辭不受。太宗自營葬地。亦尚儉素。因山為陵。容棺而已。

個個人心有魏徵。心君妄動諫書呈。不為六賊邪臣惑。喜起良明出治平。魏徵。本心良知。六賊

奔逐色法六塵。賴此良知。不為所害。書益稷篇。舜帝作歌曰。股肱喜哉。元首起哉。百工

照哉。皋陶乃庶載歌曰。元首明哉。股肱良哉。庶事康哉。又歌曰。元首叢脞哉。股肱惰哉。

讚唐賢相張九齡

千秋金鑑鑑君心。公是當朝一大人。魚水始終無間隔。馬嵬不見六飛塵。明皇誕日。公獻所著千

六軍不前。至馬嵬坡。乃賜楊貴妃死。

荆州長史中書令。前後平觀孰重輕。牛李終為民社賊。天宮勝妙慰忠貞。明皇聽李林甫牛仙客

荆州長史。後每選相必問曰。風度得如張九齡否。未幾病卒於荆。世傳公為竈神。

風度誰如張九齡。雖遭讒謫主猶明。祿山殛後思公德。遣使遙臨祭饗誠。明皇經安祿山之亂。乃

中使往廣東韶州。就其家祭之。諡曰文獻。

誄印光大師

師庚辰十一月初四日卯時圓寂。雪裏梅花撲鼻香。天生剛骨領羣芳。及門桃李盈天下。一徑同歸極樂邦。

庸言庸行路平平。信是家家粥飯僧。世出世間非隔絕。嘉言文集佛儒聲。
老人一宿鎮南天。廿載恩師永劫緣。男女兒孫皆弟子。全家日日拜師前。
忽報人天失大師。淚波湧入寶蓮池。願師授記還來此。永作娑婆正徧知。

張齋庵先師於堯曆癸丑五月二十五日誕生。丙寅七月十七日辭世。同人等受恩深厚。永矢弗忘。謹於每歲值茲二日。供佛報恩。以資紀念。祝曰。

齋庵夫子。間世之奇。衆人之母。後學之師。工墾學校。食之教之。衣食住行。皆公之施。何以報恩。曰唯念佛。祝公早生。彌陀之國。何以報恩。曰唯敬事。公是導師。我當繼志。公靈徧在。我念不忘。祝公再來。爲世慈航。

乙亥季春謁南通張齋庵先師墓

曩年齋庵師。字我曰敬持。我今持佛號。恭敬憶師資。持此盡未來。當無疲厭時。敬卽無量壽。敬卽無量光。以茲契佛心。一體非分張。師恩無以報。祝願生蓮邦。追隨三十載。如影依身旁。音容一回憶。涕淚霑衣裳。此墓信佳宅。師靈遍十方。三山證我心。萬古猶同堂。

慰唁韓止公國老並祝少石世兄生西

國事雖非詎竟非。拂衣何早鶴西飛。蓮池換得金剛骨。再入塵沙導衆機。

國老如來護念人。衆生病苦待金鍼。幻形雖別心非別。極樂娑婆在一心。

婺源猗田齊檣卿先生墓銘

佛儒合一。而家國安寧。而世界和平。脫輪迴之苦海。而蓮品高登。先生實躬行以爲之導。而化被尤宏。臨終瑞相。復清以明。嗚呼先生不生西成佛者。其孰能成。

誄平潮胡作初居士之母太夫人生西 並勸講地藏經

平潮湧起海潮音。老母先參念佛林。七寶蓮花先後茁。轉將穢土變黃金。萬方多難生西好。令子真能大報恩。捨宅已成珠寶宅。頻伽聲繞寶池中。警世無如地藏經。願君多講世人聽。脫離火獄刀山苦。同赴西方極樂城。

胡君捨宅爲念佛社

誄婺源濟溪游親翁敬修居士生西

孝友慈悲契佛儒。營商有暇輒親書。兩家兒女同歸佛。永劫相依願不虛。
翁長女、余之四媳也。余長女、又翁之四媳也。

題江利卿先生遺像

氏同族。學同佛。同儒。而乙亥之秋。又得以佛會因緣。拜見公之高年皓髮。而從公謁祖於東海之隅。今聞安詳西邁也。兒孫善友相與助念彌陀聖號。則決定往生西方極樂。永出輪迴。超凡入聖。而又何疑。

乎。世方厭亂。期公之再來而蘇諸。

誄束劬直同學兄

兩度歡談恨未多。滿腔敦勸念彌陀。君今脫得娘衣去。要向蓮邦莫向佗。
極樂原來是自家。多生流浪遍天涯。心心莫斷彌陀號。定占如輪七寶華。

誄南通餘東武廟根淨法師

武廟宏開淨業場。人天喜見白毫光。金蓮朵朵隨緣種。好作生西助道糧。
當託後賢。莫負黃金三聖父。低垂寶手照無邊。

師今已坐蓮花去。後事還

震旦大學教師吳承詩居士哭兒詩甚悲。以佛法慰而和之。

恆沙往劫我佳兒。今日何曾記阿誰。蕩蕩海波慈父淚。巍巍山積哭兒詞。
身是芭蕉一束姿。豈容優定百年規。止應常憶彌陀父。憐念娑婆苦海兒。
零落春花歲復年。年年紅紫萬千千。當知生滅無生滅。過去當來佛眼前。
死死生生未罷休。革囊幻似達婆樓。一心送上西方路。從此超凡入聖流。
聖中之聖天中天。佛海中無熱惱煎。一卷蓮經圓頓法。十方諸佛讚茲篇。
衆生愛幻獨遺真。幻影經過息息陳。無量光明無量壽。彌陀老子是天親。

度達婆樓。
卽辰樓。

病藥千生海量多。報終無計起沈疴。彌陀一句伽陀藥。能使魔王喚奈何。
食肉應思痛剝膚。衆生生命互相扶。持齋戒殺從胎教。能使天殤病苦無。
輪迴六道最堪憐。痛史難思累劫前。六字經王常憶念。療將生死病根痊。
火宅炎炎莫戀留。西河空自喪雙眸。西方下下蓮花座。遠勝諸天最上頭。
心量無邊勿自欺。彌陀正是自心師。於今十劫招邀我。寶手低垂示大悲。
陽復齋詩下里詞。悲來聊取一謳之。了知心佛原同體。念念西方信不疑。

題沈公筱湖遺像

筱翁爲沈伯陶居士之父。菴菴先師契友。

因師想見親仁德。因子深知啓後賢。一座報恩無量寺。證公早占樂邦蓮。
辛巳仲秋。在滬覺園。爲沈伯陶居士之母。周太君題主。

孝慈勤儉眞賢母。辛苦榮華八十年。難得兒孫盈膝下。齊聲送上紫金蓮。
伯也同官契我深。深知阿母甚恩勤。此來法會尤希有。多少儒林念佛人。

惜從子有蓮。早逝而喜其生西。

有蓮自兒時。崢嶸異諸子。長從諸師遊。聰辨通文字。習壘東海濱。會計復精密。歸來牧兒童。恩勤如子姪。口講指畫勞。能聲噪鄉邑。見義亦勇爲。聞佛亦讚美。方期礪琢功。造就瑚璉器。悲哉離婚潮。擾動諸

澄水顛倒費魂思。一病遂不起。苦爲入道緣。亦既悔之矣。破鏡計重圓。鬻離終不棄。况兼發善願。放生施餓鬼。業定未能移。使我淚沾臆。投生萬劫來。所難聞道死。病中一串珠。喃喃稱大士。臨行善友來。經咒聲盈室。彌陀萬德名。歷耳不思議。此福信難遭。生西當可必。孔子惜顏淵。吾未見其止。止於極樂邦。斯爲知所止。得親無量光。精進無能比。畢竟成佛陀。念茲祇應喜。

誄沈玠雙世講

玠雙、沈伯陶居士之長哲嗣也。

報國雄心未肯灰。空前浩劫撥難開。可憐濟濟英髦士。獨少持齋念佛來。苦趣翻成極樂城。多蒙慈父梵經聲。從今了卻千生債。好向蓮花國裏行。

墜樓之報。必墮惡趣。其子見父能禮謝念佛諸

君。便是已解脫相。佛放光。故令見之也。

誄趙嫂江華居士生西

趙雲詔居士之德配也。

當年海上破天荒。梁孟同參極樂邦。永劫難忘民厚里。蓮芽初接法王光。

廿年前與雲詔居士。同居哈同路民厚里。初學

念佛。

蔬食宏開功德林。衆生安穩佛歡欣。助君西去資糧好。飽聽迦陵讚歎音。

慰唁于敬之仁弟長哲嗣之喪

見告懷風摧玉樹。此心豈但爲君傷。許多英俊新髦士。妙藥當前不敢嘗。
念佛持齋修淨土。佛門無上大慈航。先求地藏離諸苦。更赴彌陀極樂邦。
寫經不若念彌陀。一兩黃金勝担麻。禍福同來休過慟。全家念佛福無涯。

誄沙城鄭節母王太夫人生西

哲嗣鑑源居士及弟煥章居士皆信佛樂善好施。

青年節孝動諸天。晚境豐腴二子賢。繞膝孫曾皆玉樹。莊嚴福德柏舟篇。
和平誠篤優同事。供佛施貧報祖恩。種種資糧歸極樂。助親成佛孝無窮。

誄吳季慧行女士生西

女士爲季聖一居士之長女。吳國英居士之德配也。

慧行夫人何歉乎。家從名父嫁名夫。適來爲結西方侶。從此輪迴永劫無。
西方東土非心外。我勸吳君喜勿悲。一句彌陀光不隔。朝朝暮暮會蓮池。

南通陸伯衡老居士彌陀聖誕日生西讚

割股投焚爲救親。孝心驚動佛天心。敦倫勵行真師範。養得鄉村械樸新。
救苦施貧載口碑。更開蓮社念阿彌。蓮花朵朵隨緣種。此是先生八德池。
包場一面佛因緣。從此思君不盡年。更喜佳兒能繼志。佛儒大業永家傳。

誄大豫公司楊邁雲鄉長

祖先耕讀爲家寶。更與兒孫世守之。德洽一鄉非易易。澤流後葉百千枝。
鼠牙雀角尋常有。忠信調人日日忙。身得勞時心得逸。蘆花邨裏賦甘棠。
慈悲德業付兒傳。大難無忘學普賢。七寶家鄉歸去好。願公樓上最高蓮。

品哉仁弟。書請誄其賢母錢太夫人。因勸其全家蔬食念佛送經。報親恩消浩劫。

佐夫營業忘宵寢。教子成儒願捨身。罔極深恩難盡報。母心卽是佛陀心。
孝慈勤儉四康莊。安步行來盡吉祥。族黨比鄰稱譽好。芝蘭玉樹子孫昌。
六字彌陀功德海。觀音地藏大悲經。拔苦開愚福無量。致親成就世間燈。
四十年來淨業多。白蓮花出愛泥河。輪迴大夢從今醒。七寶池中歡也歌。

誄繆徐佩芬夫人

良妻賢母根於孝。盡孝眞爲萬行先。七十三年閨闈範。阿夫妙筆善流傳。
六度由來首布施。捐田助學福田孳。獨憐苗秀諸英彥。不讀經書是大癡。
冥鑿鬼物終虛幻。六字彌陀福德眞。無量光明無量壽。相期永劫紫金身。

四 感託

元旦念佛頌詞

一聲彌勒佛。笑口逐心開。無量河沙衆。歸依笑裏來。

一聲彌勒佛。笑裏現如來。八萬四千法。還從一笑賅。
一聲彌勒佛。笑裏不藏刀。慈心不食肉。一體視同胞。
龍華三會日。大地盡黃金。一笑夫何有。原來止一心。

彌勒化身布袋和尚讚

橫遍十方。豎通三世。此一布袋。中無邊際。啓而視之。萬物皆備。收而藏之。不見一物。不知此心。觀此布袋。博學於文。約之以禮。博文格物。約禮致知。三界唯心。萬法唯識。要知彌勒。問孔夫子。

庚辰元日

當來彌勒下生辰。歲序人情禮讓新。若得長年如此日。會看大地變黃金。
念念彌陀念念新。莊嚴百福紫金身。是心作佛心同佛。豈羨尋常錦繡人。

迎春曲

心心有佛是春光。佛佛光明照十方。草木亦同圓覺性。一家兒女愛爺娘。

一大圓覺性。猶如一家兒女。同出於爹娘。

己卯臘月廿八早迎春

三冬夢裏衝寒去。醒眼開時節序新。無始以來猶少好。一年一別又相親。

世間一切。非常。作如是觀。

溫故知新愧古人。但觀景物與時新。千紅萬紫莊嚴出。本體原來是一真。

空假雙照，作如是觀。

春鶯曲 又名百舌，又名反舌，又名百能，即西方奇妙鳥中之舍利也。但此方是罪報所生，彼土乃彌陀變現，凡聖天淵耳。普賢菩薩偈云：各以一切音聲海普出無盡妙言辭，盡於未來一切劫讚佛甚深功德海。隨順鳥音借爲此曲，願歌者聽者，送想西方求生極樂。

珠喉宛轉勸勸。勸世人發善心，說善言，行善願。歸依，歸依，佛寶，法寶，僧寶。可免得，幻出那地獄，餓鬼，畜生，苦惱的三途面。急急止，止，止，勿殺生，勿偷盜，勿邪淫，勿妄語，勿飲酒。刻刻時時，念念可免得，人世間，悲慘的，爭爭戰戰。阿彌陀佛，阿彌陀佛，真真是，大願船。止要你，真真信，真真願，一句洪名，聯成一串，坐臥行居，打成一片。臨命終，佛現前，便坐着七寶金蓮。直到了，琉璃的，玻璃的，硨磲的，瑪瑙的，金兒的，銀兒的，珠兒的寶殿。幾幾，多多，諸上善人，歡歡，喜喜，都來相見。更會見，多生的，多劫的，爺們，娘們，親們，友們，一一前緣，都記得，明明顯顯。更聽得，風聲，樹聲，水聲，鳥聲，如鐘，如磬，如管，如絃。說法啊，句句心閉。聽經啊，時時方便。頓證得，無生忍。妙妙，圓圓。不須待，一地，二地，三地，四地，乃至十地。地地的階升漸漸。便隨着，彌陀慈父，觀世音，大勢至，菩薩聖衆。分身似，月印萬川。遊行似，長空掣電。爲衆生，解倒懸。爲衆生，除毒箭。都出了，輪迴苦海。直修到，聖中聖，天中天，才滿得菩提大願。

水仙花供佛

迎春第一水中仙。金盞銀盤獻佛前。祝願心心如水淨。花花都作佛莊嚴。

懷正法詩末法能真正修

一板三眼優人技。一心三觀佛修行。靈峯誓願飢寒死。不作人家賣唱僧。萬益大師將出家先發

不收徒衆。二不登高座。三寧凍餓死。不禮懺化緣以資身口。

不應居士廢儒經。也學時流應赴僧。要讀大乘修淨業。一宗儒佛世間燈。淨土五經。地藏三經。觀音普門品。及法華經之

序品。方便品。譬喻品。信解品。如來壽量品。安樂行品。常不輕菩薩品。藥師如來本願經。大乘本生心地觀經。報四恩品。孝經。四書。皆當勤誦。

普賢十願如來種。要拜華嚴與普賢。要誦導歸安樂偈。須知十願向西船。俗僧誦十願太簡略。不知一切菩薩。依此發願

起行。方能成佛。修淨業者。亦當常禮誦此十願。及導歸極樂偈。為上品往生之正因。

懺悔圓融是普賢。自他無始罪無邊。有情佛子孤魂別。妄改經文義不圓。蒙山施食普賢懺。偈云。我昔所造諸惡業。皆

由無始貪瞋癡。從身語意之所生。一切我今皆懺悔。此我是自他不二。同當懺悔。妄改經文。分別有情佛子孤魂。最為不通。

三衣千佛所同披。無彩無文壞色衣。勿繡徧身諸佛像。須防褻瀆罪來歸。群見靈峯宗論第五卷戒衣辨。諷篇第五

儒家務要持歸戒。釋子皆應誦四書。不誦四書根本缺。不持歸戒墮三途。儒家大學中庸論語孟子。四種書。即佛之世

間法。為修出世法之根本。五戒。不殺。不淫。不妄。語。不飲酒。即儒家仁義禮智信。五常。為修得人身根本。三歸。歸佛。歸法。歸僧。即儒家仁智勇三德。畜生。餓鬼。地獄。三途。皆由破戒所致。

真佛真儒是一宗。僞儒僞佛妄分門。靈峯宗論千秋眼。普願時流洗耳聞。

偏空邪見讀金剛。不信西方極樂邦。須知妙有蓮邦住。才得輪迴妄念降。

名士多喜讀金剛經。而不持齋戒。不行禮拜。而

信西方淨土。以為是不着相。不知偏空偏有。皆是邪見。性相圓融。理事兼修。是為中道。不住中道。降邪見。是金剛經真義。金剛經。若以色見我。以音聲求我。是人行邪道。不能離音聲求我。是人行邪道。不能見如來。

法是佛僧親嫡母。佛僧都是法中生。捧持恭敬休拋棄。損壞焚燒罪不輕。

剝皮刺血骨為筆。書寫須彌法寶成。諸佛修行如此苦。莫言容易得聞經。

剝皮為紙。刺血為墨。削骨為筆。書寫經卷。積如

須彌。詳見華嚴經普賢行願品。

一切經應長跪誦。想如親聽佛金言。至誠便是深三昧。恭敬方能近聖賢。

諷誦應須字字圓。豈宜急雨趁飛泉。聞思修入三摩地。細味觀音自性篇。

寺廟佛會。皆以急板木魚誦經。最為非宜。須和

聲讀誦。令字字皆從自心。無量無邊光明中現出。久之自易開悟。觀音菩薩。反開開自性。從聞思修入三摩地。詳見楞嚴經。

一寺止宜三月住。道人遊化水雲身。出家休起兒孫想。好是傳賢付得人。

儒門衰敗佛門微。緇侶原來是白衣。儒是佛家真骨髓。靈峯實語莫狐疑。

萬益大師。謂儒之命脈骨髓。學問實佛之命脈骨髓。

有真儒。然後有真佛。

佛日不昌儒亦暗。百年方寸自拘墟。自心本具無邊佛。大覺方為君子儒。

東坡云。吾惟學佛。然後知儒。

一家儒佛比雙親。豈可翻成反目人。撇棄二親親異族。空前災禍自求尋。

淨土六經須徧誦。大乘十寶要參尋。定須重訂叢林課。方許空門出大人。觀無量壽經、阿彌陀經、

文殊淨行品、普賢行願品是為淨土六經。梵網經、地藏經、圓覺經、金剛經、法華經、華嚴經、楞嚴經、涅槃經、大乘本生心地觀經、大乘起信論、為大乘十寶。

十方諸佛戒為師。戒淨能為定慧基。看教參禪休着急。五年學戒古清規。諸山傳戒、方法疏略、時日短促、有名無實、是為

佛門衰敗一大原因。

佛領眾僧親乞食。實為宏化大悲行。欲令佛法家家曉。端賴沿門說法僧。暹羅僧侶行乞食制、故佛法普及全國。

權宜應赴修經懺。要使存亡利益多。第一應機先說法。更須領導念彌陀。各寺廟法會宜組織經懺改良會。第一須向齋

主、說明三寶利益及善惡因果、墮落三途之苦、往生西方之樂。第二須領導齋主、拜佛念佛、令如法、每日自行之、切忌鑼鼓打唱、欺騙人鬼、葷酒破齋、招無間罪。

歸依僧是一般僧。不局高年與大名。菩薩聲聞及緇侶。沙彌看作佛儀型。

目連舍利諸尊者。千古傳來俗姓名。何必法名分派別。出家人學在家行。請讀靈峯宗論、法派稱呼辨。

政治大權儒手裏。金湯護佛賴儒多。高文淨行儒驚服。自肯歸心學韋馱。

三教混同多謬說。千秋正眼獨靈峯。願今白衣緇士。盡向靈峯拜下風。細讀靈峯宗論、

像法決疑經云。未來世中。諸惡比丘。執著住處。如似俗人。護己舍宅。不能依時。三月一移。見有比丘。

丘。衣鉢自隨。於其住處。滿九十日。而更移去。諸惡比丘。咸作是言。此比丘志性不定。躁擾多務。

狂亂失心。數作移動。作是語者。獲罪無量。孔子云。士而懷居。不足以為士矣。況出家比丘乎。偈

以釋意

比丘依佛制。三月一移居。莫學家居士。田園縛此軀。
新學勤行脚。多參大匠門。莫終守一寺。老死病無聞。
大德能行脚。檀施被十方。隨緣宏正法。流播佛威光。
佛教出家者。十方爲一家。一鉢千門飯。孤身萬里槎。
懷居非志士。未發大悲心。昔者吾夫子。東西南北人。

禮記，孔子曰，丘也東西南北之人也。

乞食心虛下。深居氣滿驕。慈雲屯不雨。草樹歎枯焦。
娑婆旅舍耳。何處可安居。欲得安居處。西方極樂乎。
師僧得十萬。遊化徧諸方。五戒三皈教。洋洋不可當。

僧中老者少者，留寺供佛，念佛，讀書，講經。壯而通文者，由佛教總會選聘，給介紹書，遊化諸方，專說因果，輪迴三皈五戒，念佛生西之教，所至地方，長官居士，爲之護法招待。如此逐漸推行，不但消災救劫，而佛法之興，可計日而待也。

思極樂詞仿李白秋風詞琴譜

秋風清。秋月明。落葉聚還散。寒鴉棲復驚。相親相怨緣如此。或升或墮無常情。不聽如來言。難解娑婆

苦。長相思兮彌陀父。遠相思兮安樂國。早知如此樂無央。何如當初早歸佛。

憫輪迴詞仿柳宗元極樂吟琴譜

千生慣傍無明宿。久客輪迴生死路。飄流六道不解歸。佛號一聲眞性露。西方之樂樂無涯。長作彌陀親眷屬。

讚南泉禪師答問

或問長老南泉師。佛華嚴經法身說。師云。若是法身說。汝從何處能聽聞。若知報化皆法身。一切經皆法身說。若知法身具相好。今此塵身卽法身。六根六塵及四大。無不從此法性流。所以顯實妙花經。舉手低頭成佛道。所以致知在格物。大學歸本於修身。書寫誦說禮翹勤。皆佛華嚴功德相。以此佛花證佛果。成就微妙淨法身。常持普賢十願王。畢竟得生安樂國。

兜率悅。食蜜浸荔枝。清素禪師偶過之。請共食。師曰。先師去後。不見此物多年矣。問先師爲誰。曰。慈明。嘗執侍十三年耳。悅袖香向師禮拜。蓋悅師洞山文。文師黃龍南。南師慈明。師曰。先師以吾福薄。授記不許爲人。悅益恭。並通所悟。師曰。此可入佛。而不能入魔。豈不見古人道。末後一句。方到牢關。悅參累月。師乃印可。誠曰。汝他日。勿嗣吾也。汝師教汝。皆正知正見。汝離師早。未盡其妙。我爲點破。使汝得大自在耳。素師之言至矣。然若未能入佛。而遽入魔。必墮無間地獄。

無疑也。孔子所謂可與立、未可與權、況未能立者乎。

磨而不磷、涅不緇。此是牢關透入時。人佛未能魔作侶。定如射箭入泥犁。

一僧問大隨禪師、劫火洞燒、此性還壞否。師曰壞。僧曰然則隨他去。師曰隨他去也。僧無語。後至投子處舉之。投子命侍者裝香展坐具、向西川大隨山三拜、歎曰伊是個古佛、此乃真善知識、速往彼處、懺悔參取、僧至而大隨已寂。後回投子、投子亦寂。當知僧所謂性、偏空之性也。師所謂性、卽相是性也。

一輪皎日東西轉。月月年年去復回。非斷非常真佛性。大隨投子佛重來。
禪師出語好驚人。驚起凡夫覓悟心。一段疑團忘不了。冷灰爆出豆苗新。
教律雙輪運入禪。何須參究到驢年。龍身未盡睛先點。那會乘雲上九天。
做飯滄山歷七秋。洞山三載做柴頭。大師勤苦爲安樂。放逸何能入聖流。

柴頭三年、重事輒先任之、深念諸佛歷劫修行之苦、不敢放逸。

大隋自言、在滄山會裏、做飯七年、洞山會裏、

或問滄山禪師、如何是道。師曰吾心是道。曰某不會。師曰體取不會處、卽是汝心、卽是汝佛。此卽大乘止觀、由空起假、由假入空之旨。肇公般若無知論、無知而知、知而無知也。

般若千年古鏡光。外無眼耳內無腸。胡來胡現還他去。畢竟空空一寶藏。

吾有知乎無知也。尼山東土大禪師。肇公般若無知論。水裏蟾光鏡裏枝。

紫柏大師、勸參禪人、須熟讀肇論。晉鳩摩羅什

弟子肇公所

臨濟禪師、在黃蘗禪師門下、三年不爲說法、濟亦不問、或勸何不試問、三問而三打、遂往參大愚、

因悟黃蘗宗旨、却回依黃蘗、機鋒迅捷、蘗便打、濟便唱、初讀不解、旣而恍然、黃蘗眞苦師也。

如來妙法無非打。打倒巍巍二執山。打到盡時無可打。大圓妙覺照塵寰。

遺理須用空觀打。遺事還當用假觀。打倒二偏中道現。權宜要打但中觀。但中不。是圓中。

或問趙州禪師、狗子有佛性也無、曰無。偈以顯之

佛性原非有也無。幾斤幾兩幾銖乎。非青非赤非黃白。塞滿虛空也是無。

豈惟狗子有佛性。翠竹黃花大覺中。此道難聞更難信。止應無耳反聞聞。

讀明姚少師逃虛集

儒佛淵通武略精。衍公千載一雄僧。風雲會合成龍虎。御筆親題廣孝名。

公四十出家、法名道衍、佐成祖靖難功成、賜明廣孝、詔爲太子少師、稱以少師而不名。

國定勿誅方孝孺。臨行跪請意慇懃。宿生業力難思議。十族摧殘太忍心。

休怪沙門贊戎幕。張良李泌一流人。功成身退還清淨。出水蓮花不染塵。

公奉旨歸山中詩云。羅卷雲暖足棲遲。忽拜微書且暫離。不仕還從禪子志。無才終荷聖君知。食供美膳。饑應厭衣。賜輕絺暑正宜。此日承恩歸相業。坐看松長萬年枝。

文詞典雅理深長。朝士當時孰與方。洪武一朝開國史。得公日月永輝光。永樂敕公主修洪武實錄。

元時儒士隱僧寮。洪武殊恩特試招。試中仍歸棲隱處。羞稱和尚作官寮。

洪武八年詔試諸僧通儒學者入仕。公中式後不樂為官仍賜還山。

一個和尚做不了。女兒一罵佛金湯。多多拜受真甘露。不許鷹鷂冒鳳凰。

光菴僧服豈伴愚。一句彌陀一木魚。三十年來心淨土。蓮池一著莫教輸。光菴公之直友僧服鳴魚念佛見公蓋以諷之。

公三十八歲作蓮花室銘歸心淨土。

不識少師曹二尹。蒲鞭二十漫加身。贈詩忍辱非容易。了却前緣不用瞋。

公奉敕往蜀雲臺寺懸旛至蘇駐寒山寺偶於松下獨行會吳邑曹二尹唱道來公行如故尹怒執而笞之公忍辱不自道或識之曰此姚少師也曹恐伏地請罪公作詩曰

出使南來坐畫船。袈裟猶帶御爐烟。無端撞著曹二尹。二十蒲鞭了宿緣。

姚氏祠堂佛寺中。祖先依佛福無窮。君恩盡散諸鄉里。般若光中五蘊空。

八四高年欲謝塵。君王重見倍歡親。檢衽端坐西歸好。五色斑斕舍利新。

讀明姚少師撰徑山智及禪師行狀語多微密不揣鈍根妄為之偈不知桶底脫未也。

黃葉紛紛別樹樞。一聲碓杵落誰家。不從聞性尋來歷。空向龍宮算海沙。佛說法如以黃葉止兒啼孟子曰博學而詳說

之、將以反說約也。學者當從教律悟禪。

一座昂然五蘊山。將來將去不曾閑。問誰將得茲山起。拄地撐天一扁擔。介爾一念、豎窮橫遍。

棋盤石上光明遠。鉢盂池中日月長。將謂菩提甚奇特。著衣吃飯也尋常。用上求下化、即在尋常日用之中、大學所謂致知

在格物。棋盤石、喻福田衣。

未見深山藏毒虎。見時淡草露羣蛇。東方日出西方落。莫問東西那處多。衆生佛性、東方日也、佛西方日也。

千波競起文殊足。明月長閑徧吉牀。兩脚直時何處走。彌陀老子好家鄉。文殊智、不離行、普賢行不離智、一切菩薩皆以

普賢十大願王導歸極樂、乃得成佛。

迦葉糞掃衣。價值百千萬。輪王髻中寶。不值半文錢。迦葉糞掃衣。千中難得一。輪王髻中寶。個個不會

捐。迦葉苦行第一、傳佛心印。

一二三四五六七。地水火風空覺識。算來數目甚分明。却有三頭數未及。空假中一心三觀、通於七大。

烏龜鑽敗壁。雞向五更啼。爲誰忙此事。不耐自悲悽。菩薩因悲現、止觀雙修。

杜口無言應衆機。山雲海月助霏霏。何勞三寸蓮花舌。多向人前說是非。動定無非說法。

時來卓錫千峯頂。劃斷飛雲不放高。忙得十方無上士。還來九界効塵勞。如來成佛後、還當垂形九界、廣度衆生。

滄海揚塵菩薩行。虛空迸裂法螺音。衍公妙有傳神筆。空假雙雙一片心。少師法號道衍、永樂帝賜名廣孝、融通儒佛、故

能佐永樂
成大業。

懸崖撒手喻

千丈懸崖一樹松。手攀枝末脚臨空。二枝譬如我法執。衆生愛命託爲根。左手撒開我執斷。輪迴舊夢同虛空。右手撒開法執斷。變易生死同虛空。衆生斷命懸崖下。妙覺如來現聖容。

蕩益大師教學宗旨

見性爲宗。持戒爲母。融合佛儒。歸於淨土。本此宗旨。開解起行。治世超世。如日月燈。

一切法不離心性因果偈

一切法。止一個。理心性。事因果。自心性。當了知。無生滅。無邊涯。我與佛。實同之。相生滅。念爲之。凡與聖。從此歧。常念佛。入無爲。生淨土。證菩提。因果法。不離心。順則曠。我如是。他亦然。因果報。三世圓。因自造。亦自轉。惡轉善。苦報免。染轉淨。能入聖。淨土經。須敬聽。念彌陀。感必應。知心性。知因果。一切法。如觀火。大通家。如是做。

學佛勿瞋人笑罵偈

合覺當然要背塵。背塵應被俗人瞋。但生憐憫休生氣。我亦當初背覺人。我從念佛持齋日。便是招人笑罵年。笑到悟時還轉讚。好從笑罵結良緣。

舉世讚空空不。喜舉世謗空空不。曠佛教觀空修忍辱。太空蕩蕩我真。心

戲題陽復齋詩偈

愛讀詩書不愛吟。如何轉我作詩人。春蠶食葉恩當報。莫負蠶娘喂葉心。

佛聖多多喂葉人。不辭風雨採來勤。絲絲相續忙何事。續此含靈不斷心。

千鈞豈被一絲牽。忙到驢年也枉然。倘信十方融一念。一絲威力卽無邊。

鼠牛虎兔龍蛇馬羊猴
雞狗猪十二年無驢

也年

太清蕩蕩片雲生。雲翳遮將月眼睛。頃刻微風吹散了。百千江裏印分明。

勸推行陽復齋詩偈集及正學三字頌小學三字經

可歌可誦莫如詩。自度度他莫如佛。文人野老共歸心。寶寶婆婆同稽首。我以身腦精氣神。供養衆生
消宿罪。願將衆生佛性大田園。寫作三言五言七言出。願將佛儒頂上無價珠。和盤托出通都會。願將
西方極樂好家鄉。人人看作心中物。願將飛空走陸潛水苦生靈。救出刀塗毋殺害。願諸刀兵瘟疫水
旱災。化作祥光充宇內。願諸凡夫習氣貪瞋癡。轉爲清淨光明佛。願招煙酒魚肉嫖賭鬪爭心。來參詩
偈來歸佛。我願有力人。印此正學詩偈篇。我願有口人。謳歌讚歎稱揚佛。還願當來成佛時。授記同稱
詩偈佛。

讀碧雲大師勸讀陽復齋詩偈集長歌謹和

雲裏宏吹大法螺。大家來聽好山歌。莫疑賣藥鋪張語。一片婆心救劫波。
法語鎔成五七言。聲聲印入賴耶田。溫柔敦厚詩歌好。隨在香生舌底蓮。
此集歌聲徧學堂。教師便是法中王。一般可愛新男女。箇箇心頭放寶光。
秉政諸公誦此篇。泰山北斗共翹瞻。一家儒佛同敷化。民國光榮億萬年。
尙武軍人誦此篇。慈悲水洗血腥羶。和平福慧同消受。何苦刀槍結惡緣。
列國流通此偈篇。武裝解脫睦邦聯。國防歲費千千萬。好做慈悲喜捨錢。
謗佛文儒讀此篇。尼山鶯嶺付真傳。五常五戒何差別。三德三皈一性天。
風雅詩人讀此篇。妄言綺語一齊捐。風花雪月勞描寫。何似潮音播大千。
枯坐禪家誦此篇。三觀澈悟祖師禪。本來不動如如佛。坐臥行居任自然。
淨業行人誦此篇。真從六字悟心源。無邊光壽心同佛。統攝三宗教律禪。
村野農夫誦此篇。人人解種自心田。和風甘雨依時節。水旱無憂福自天。
竈下婆婆誦此篇。搬柴運水也歡然。向來煩惱無明火。化作和柔忍辱禪。
坐賈行商誦此篇。經營義利要雙全。不施妄語欺人術。不賺傷生殺命錢。

禮記、溫柔敦厚、詩教也。

科學工人誦此篇。當知甘地是英賢。能將十指真機器。徧向人間解倒懸。
肉食饑夫誦此篇。屠刀放下禮金仙。吃他快樂還他苦。白飯青蔬享大年。
陋巷貧家誦此篇。寶樓寶樹現君前。一般佛聖同遊處。豈受人間熱惱煎。
富貴豪家誦此篇。膏梁文綉不貪沾。命終不帶分文去。好向生前作福緣。
賭博貪夫誦此篇。貪泉不飲飲廉泉。難當餓鬼饑燒苦。莫想他人袋裏錢。
邪染淫人誦此篇。能操慧劍斷邪緣。多生過去生身母。罔極深恩似昊天。
耽酒昏人誦此篇。不貪終日醉酣眠。沸尿地獄難堪受。更變蛆蠅也可憐。
孝子仁人誦此篇。報恩拔苦解隨緣。廣招苦海沉淪客。送上彌陀大願船。
家家教誦此詩篇。孝弟慈悲世代賢。傳此摩尼無價寶。勝於多買好田園。
大劫當頭播此篇。比開無數救生船。潘君呂四人、名庸、新購陽復齋詩偈集。百册、四鄰受敵機轟炸、潘獨得免。百本將施送。鄰屋成
灰獨保全。

多病呻吟誦此篇。不須湯藥體安痊。自心自有伽陀藥。一句彌陀萬病捐。

流離歎

大難將臨久已知。筆宣舌勸廿年時。勸人吃素消殘殺。勸人念佛得歸依。木耳鼓鐘聲不入。塵心酒肉

病難醫。流離驚怖方知苦。念佛持齋莫更遲。

安命歌 又名貧富互相扶助歌

前世布施今世富。前世貪求今世貧。貧富今生果。都由前世因。世上無富人。貧人也餓死。世上無貧人。富人也餓死。貧靠富。富靠貧。大家有吃有錢尋。吃麥飯。做小工。苦苦做永不窮。人靠天。天靠佛。大家同念彌陀佛。念彌陀。笑呵呵。貧不少。富不多。大家同見阿彌陀。樓七寶。地黃金。極樂世界沒窮人。

安貧曲

黃菜葉。白鹽炒。止要撐得肚皮飽。若貪魚肉殺生靈。地獄畜生還不了。
粗布衣。無價寶。補上又補年年好。布衣溫暖勝綢衣。但願有衣穿到老。
硬木床。鋪軟草。高枕無憂安睡好。醒來呼吸念彌陀。氣靜神清天又曉。
舊房屋。勤洒掃。及時修理便不倒。古今多少好樓臺。荒基一片生青草。

軍人唱的老百姓歌

誰給飯。我們吃。老百姓。頌老百姓三字時、以手加額致敬、高聲一字一唱。誰給衣。我們穿。老百姓。誰給錢。我們花。老百姓。誰給軍火我們用。老百姓。我們應當報恩的。老百姓。我們應當保護的。老百姓。我們不應得罪的。老百姓。老百姓。你莫怕。害你們的我來打。同念南摩觀世音。一切惡人都逃了。

初夏

初夏年方壯。清和景最宜。三春成昨夢。萬樹着新衣。孝弟家聲起。明良國運肥。蓮邦無老物。游子勿忘歸。

四蟲吟。勸念佛、孝親、兼耕、兼讀。

喜鵲叫。喜洋洋。口中一句佛。心中無量光。九品蓮花七寶裝。
老鴉叫。孝心腸。我有大慈父。我有大悲娘。親恩當報不當忘。
蝦蟆叫。農作忙。春種一担穀。秋收萬担糧。能勤能儉不愁荒。
蟋蟀叫。讀書堂。上有好師友。下有好兒郎。佛儒經典寶中王。

貴粟勸農與孝勸學歌

漢文帝時。朝錯暢陳重農策。謂當貴五穀而賤黃金。金不可衣不可食。徒以上所愛重而相珍。富人擁金廢耕織。驕奢淫逸。便利盜賊。獎勵游惰。皆由金。石城十仞。湯池百步。無粟不能守。終日不食。饑不禁。國家貴金而賤穀。等於貴惡而賤仁。農人貸金成春作。新穀償債不待陳。當其有時半價賣。及其無時倍價買於人。因是終歲徒勞動。腹不得飽衣不新。富商大賈擁金坐買賣。一家妻子不耕不織。食必梁肉衣錦衿。交通王侯習奢侈。害家害國先害身。文帝採用貴粟論。幣用五穀當黃金。納粟於公得以拜

爵並除罪。富人從令皆欣欣。納粟實邊邊守固。納粟荒郡荒縣民食均。國用充實減農稅。稅輕粟貴游民皆樂爲農民。令順民心水歸海。富家樂義農富殷。文景二代富庶之盛。庫錢貫朽。廩粟露積。陳陳而相因。漢時以孝治天下。每里二十五家皆設孝經師一人。文帝躬耕籍田奉祭祀。選舉孝弟力田明詔常頒申。既庶既富且善教。是以文景之治繼古稱於今。而今機器成大劫。富者愈富貧愈貧。階級鬥爭從此起。未有良法平其心。亟當仿行漢時貴粟勸農之政。蘇其困。更須昌明佛儒心性因果之教。開迷雲。心性無生復無滅。因果積故而成新。今世富厚果。前世布施因。今世貧窮果。前世慳貪因。今世智慧果。前世勤學因。今世眷屬和順果。前世孝弟慈悲因。今世短命刀兵果。前世殺害生命因。自因自果自作受。不得怨天而尤人。限田之法招怨毒。王莽以此禍國災其身。中國荒地荒山游民居大半。亟當獎勵墾荒。獎勵工業。富人出資。貧人出力。利富兼利貧。儒佛合一。耕讀合一。文武合一。新舊合一。莫偏廢。孝弟力田。通經施教。製器利用。急公好義。蔬食念佛。得選爲良民。從政秉教。選自良民籍。但論才德無疏親。科學興利去其弊。務在生人勿殺人。孝慈勤儉四正路。通家通國通古今。大學一經儒佛印。無非明德與親民。古今體同病不異。內病七情外六淫。加減古方治今病。法良俗美國運斯蒸蒸日上。

古代田法

漢武帝時趙過能爲代田法。法卽后稷之所傳。每畝縱開若干畦。同畦廣一尺深尺焉。兩畦之間名爲

壟高剛下相毘連。種時播種於剛中。苗生葉長每次芸草。附以壟土培其根。壟剛平時當盛暑。根深能耐旱與風。鋤草爲芸。附根爲芋。甫田詩云。或芸或芋。黍稷儼儼。斯之謂矣。明歲壟處更爲剛。壟剛歲易稱代田。代田比平田。畝收增一斛。善於爲剛者。歲增二斛數。我爲此歌勸農人。漢書食貨志篇當細讀。莫謂農人可廢書。書中福田一種而千穫。我爲此歌勸農人。歸佛歸農皆本務。生到西方極樂邦。衣食不勞耕與穫。

己卯詠菊

菊圃莊嚴七寶如。黃金瑪瑙白碑礫。算來不及西方好。萬劫經過相不殊。事不專修豈易精。刪除小蕊大花榮。娑婆濁蕊刪除盡。極樂琦花萬寶成。豆餅和泥作淨供。不將糞水穢珍容。度他自度應如此。清淨莊嚴一體同。

己卯冬禮誦文殊菩薩護法龍王聖號求雪得雪

山河大地碑礫色。竹樹茅蘆徧吉身。大智文殊敷寶海。龍王護世顯威神。徧吉即普賢菩薩身。白玉色。一切龍王皆文殊。善薩弟子。見法華經提婆達多品。風雲雨雪。皆龍王神通三昧。雨雪應時同雨粟。豐年預示佛天心。持齋念佛修功德。普勸而今一切人。

別齒詞

無邊者性。叢爾者形。形有分別。性無畸零。父母遺付。天地裁成。隨我工作。六十四齡。咀嚼論說。非汝莫能。始隨惡俗。汙染臃腫。懺悔念佛。功亦非輕。今辭我去。豈得無情。往哉水國。以盡汝形。普勸念佛。蓮花化生。

題所作書

不律自慚多不律。中書老矣豈中書。坡公山谷應騰笑。曠里東施效不如。

秦謂筆爲不律，卽筆之切音。中書君，見韓昌黎

毛穎傳。

抹布偈 喻行菩薩道者

常願他清淨。寧教自染汙。但願勤洗滌。勿自墮泥塗。

兄弟互相愛敬歌

哥哥要愛弟。弟要敬哥哥。比如兩隻手。有痛互相摩。有事互相助。心同氣自和。人生有幾時。兄弟有幾何。求生極樂園。同念阿彌陀。從茲千萬劫。弟弟與哥哥。

宏珠宏達宏嚴宏經諸孫生日歌

正月初七日。是宏珠生日。五戒得人身。三歸登聖地。念佛寶珠王。自他皆大利。四月二十六。是宏達生日。修身五達道。念佛三摩地。孝悌與慈悲。佛儒真實義。

正月二十四。是宏嚴生日。念佛報四恩。讀書知禮義。戒定慧莊嚴。人中芬陀利。
正月十二日。是宏經生日。宏經須達本。本是妙圓心。聖凡吾一體。無古亦無今。

打掃佛堂詩

苦行糞掃推迦葉。心淨端爲土淨因。三世佛陀如此做。掃將大地變黃金。

兒童習字先後舉隅頌

作字之法。有先有後。先上後下。先左後右。先外後內。不可亂湊。先上後下。孝父友兄。天有星宿。古之帝王。尊重三寶。造寺焚香。先左後右。師教順從。依仁蹈德。視明聽聰。詩歌經傳。讀誦解溫。先外後內。因岡圍園。回闌曲閣。開問關田。日月團圓。國固心圓。心正筆正。知後知先。舉隅示範。餘者推焉。

勸勤讀

詩書莫厭百回讀。熟讀深思理事融。最是靜中容易悟。三更燈火五更鐘。

勸敬惜字紙偈

文字政教所需。人人皆當敬惜。中有經語格言。或是聖賢名號。今生富貴通文。前世皆因惜字。愚癡瞎眼文盲。前世穢汚文字。家內門前路上。見之隨手拾起。焚化送入大河。免劫消災延壽。套鞋底下招牌。剷去蓋塗油漆。隻字珍重如金。必是高人大德。拋棄踐踏穢汚。定受災殃雷擊。

明心識字爲通經之本偈

佛儒一切經。文字與義理。文從形聲生。理從心性起。明心澈佛儒。識字通經史。執簡以御繁。通行隨所喜。本立而道生。吾聞諸有子。握苗助長人。苗稿可立俟。欲速反徒勞。長吁而已矣。

說音偈 陽復齋說音一冊中華書局印行

聲韻先形畫。通聲易讀經。古時小學事。今世幾人能。揭破陰陽幕。天然母現成。諧聲與轉注。軌道有規程。持此通今古。東西南北聲。五明菩薩學。其一卽聲明。

早掃寶考書蔬畚珠謹用曾文正公八字而去魚豬消殺業也

早起身康強。掃地心清淨。三寶世之尊。祖考家所敬。書以通今古。蔬以佐嘉禾。畚可播百穀。珠用念彌陀。魚豬資殺業。戒殺得天和。家家世世能如此。同唱和親康樂歌。

答詩偈出韻問

或問科舉詩律若出韻。姓名不列於舉司。云何陽復齋詩偈。混合上去通支微。答云。出韻卽古韻。李杜韓蘇多用之。我有古今韻讀表。引證明確無須疑。韻本隨緣無定性。古今南北多紛歧。此讀雖諧彼不爾。限令一致徒勞疲。我詩意在開婦孺。不在榜上爭榮施。科舉久廢縛久解。安用自縛同囚羈。我爲君歌。陽復曲。願君爲我吹參差。

參差。簫名。簫形長短相間。如鳳尾。故名參差。見楚詞。

惜經學考據家

考據成專學。窮年皓首身。紛紛問橋者。幾個過橋人。
有人聽講學。覺而時習之。謝師歸去也。願盡未來時。

丁丑冬。着蘆花鞋而暖。不願易棉鞋也。蘆鞋價值。比棉鞋不及十分之一。

蘆花鞋暖勝棉花。價值高低却遠差。翻羨農家多幸福。可憐富貴浪繁華。
蘆花鞋好似蓮花。一念彌陀一瓣花。隨處行來隨處現。不知兩腳在娑婆。

海濱耕讀處桃花盛開

人間何處不桃源。莫羨漁人遇勝緣。但使此心無魏晉。悠然三代聖王天。

唐龐道玄居士說修行偈。其妻及女靈照和之。各臻勝妙。合之卽空假中三觀也。謹爲續明後一
句、與讀者參之。

難難難。萬担脂麻樹上攤。居士說 念念戒嗔貪。

易易易。百草頭上祖師意。其妻說 萬法從心起。

也不難。也不易。飢來吃飯眠來睡。靈照女說 勤苦生安逸。

早婚之害傷生廢學。禍及家國。欲昌家國。須禁早婚。

夭折滔滔半早婚。國家衰敗此為根。一般世俗癡心重。何日含飴早弄孫。

耕讀三年通一經。古人三十學方成。授田授室依時節。方許家齊國治平。

十五入大學。三十而五經畢也。孔子曰。吾十有五而志於學。三十而立。又古禮三十而娶。一夫授田百畝。古之百畝。計當今之二十五畝。一魏田之廣。六十而歸田。此時生子。又年三十矣。故少有所長。壯有所用。老有所養。

體未壯而學未成。摧戕血氣色為兵。早婚斷送諸年少。垂誠毋忘孔聖經。

論語。孔子曰。少之時。血氣未定。戒之在色。禮記。

二十四曰弱。三十曰壯。

自立猶嫌力未勝。早加擔負礙前程。世間妻子真牢獄。滅却清修福不輕。

多少文章道德尊。每因病苦廢斯文。早婚暗殺英才藪。禁令當頒國律中。

氣類相傳草木然。壯時留種種方堅。早婚產子多夭折。空使爺娘兩淚懸。

早婚多為避邪淫。豈料因茲受禍深。自幼持齋常念佛。自然清淨息邪心。

予亦早婚早老人。半生多病苦呻吟。廿年晚景粗安好。獨睡長齋續命神。

不慧中年喪偶。誓不復娶。持齋念佛。得延天年。

昔包宏齋年八十八。拜登樞密。首相疑其養生有異術。問之曰。吾有秘方。名獨睡丸。服之五十年矣。蓋包公三十八喪偶。即不復娶。

吾兒體弱兒中最。近壯方婚遂轉強。一國一家同比例。佛儒光裏福無量。

予全家蔬食念佛。諸孫體氣又較強於兒。

知命吟時年五十八

予生丙子月乙未。己亥之日癸酉時。月德在己好慈信。長生在酉耽文辭。三棄宿因成運命。五行妙合應千支。而今回向無生國。慧命誰能算數知。

三國時。吳闕澤對孫權問孔老佛三教之比較。謂孔老二聖不敢違天。三界諸天。不敢違佛。最爲知言。天當歸佛。而況人乎。

釋尊說法天宮殿。帝座猶應坐佛陀。見華嚴經。三界獨尊無比並。陋儒何敢肆譏詞。

天帝天王福壽長。皆從佛法沐餘光。不生極樂彌陀國。福盡輪迴一樣忙。

切利天人欲界尊。猶生牛領作微蟲。三界無安如火宅。故應念佛出凡籠。昔佛與阿難遊行田間。見一牛項領上腐爛。有

許多蟲。有一蟲其身漸大又肥。佛問阿難。汝識此蟲否。答曰不知。佛言此蟲過去世時。因行十善。生切利天。以天福盡。惡業因緣。墮作此蟲耳。佛無妄語。寧不信哉。

釋迦佛說彌陀經。無量諸天信奉行。一句彌陀無價寶。十方九界唱同聲。

趙州禪師語

念佛一聲漱三日。何以報恩曰念佛。兩言先後若怨家。同是趙州一口出。不知此妙莫參禪。一切佛言皆兩句。體用須兼空假雙。是爲千佛菩提路。死在一句救難蘇。無爲坑裏埋身去。

桶底脫歌 又名性相圓融歌

麻三斤。不可稱。乾屎橛。不可說。莊子云。道在屎溺。性在相裏。相在性裏。一絲不掛赤裸裸。萬德慈尊者。

裏坐。欲識本來真面目。豎窮橫遍光明屋。時時出入六門中。六門卽是菩提路。狗子無佛性。忠義誰能並。佛性非青非黃非紅非白非方圓。青黃赤白方圓皆佛性。去實不去生無生。不生淨土無長命。無量壽命無量光。全自全他如是證。全身放下萬用周。全身提起冰冷冷。欲求中道在兩邊。捏布兩頭得中正。禪師妙語說一邊。留下一邊汝自鏡。莫言大德好瞞人。人苦自瞞非師病。性相圓融何用參。若是疑時如是聽。千七百則一語穿。一性圓通百家姓。

自號六字學人偈

廿年學佛榜虛名。六字彌陀學未成。當念慈親垂手待。於今十劫樂邦城。
總持八萬四千門。盡入區區六字中。無量光明無量壽。卽心卽佛至圓融。

壬午孟夏自留西歸詩

收拾多途向一途。閑忙隨地有工夫。生西便得了生死。此事何須論智愚。點點雨花鋪瑪瑙。琅琅風竹弄珊瑚。不忘淨念懸心目。已見蓮邦入畫圖。
先岳父壬午夏捨報滬寓。生西瑞相甚多。而先數日親書往生詩一律。尤爲難得。此可證二十年來
自修度人之工夫篤實。故能超凡入聖。視死如歸。丁亥刊行詩偈三集。謹錄入此詩。爲念佛求生淨土者勸。有維謹識。

友聲集 有序

陽復子曰。詩大雅。伐木篇云。嚶其鳴矣。求其友聲。相彼鳥矣。猶求友聲。矧伊人矣。不求友生。易繫辭傳云。鶴鳴在陰。其子和之。我有好爵。吾與爾糜之。孔子曰。君子居其室。出其言善。則千里之外應之。況其邇者乎。好爵者。中庸所謂尊德性而道問學。孟子所謂修其天爵也。列友聲集於陽復齋詩偈集之後。庶幾吾道之不孤乎。蔭園弟詩。妙契天然。神似樂天。多煩惱人讀之。亦當怡怡如也。有維從學十載。但教以讀經念佛明理篤行。醞釀時至。自然能爲詩文。可知本立道生。非虛語也。孔子謂有德者必有言。有言者不必有德。科舉舊習。專以詩文取士。父兄師長。亦專以此課導後生。猶棄本根。而求花實。正學之衰也久矣。夫願教者學者。挽此狂流。

蔭園居士詩

陽復子加圈評定

讀易園兄念佛詩並偈遊濱溪公園卽賦三首隨喜

吾兄詩句能供佛。餘興邀人入野航。彼岸鳥聲聞法喜。招呼同領妙華香。
學佛尋詩一貫之。妙華洲上步虛時。傳觀童冠皆歡喜。一句彌陀是總持。
兒曹淨覺耽梵典。好鳥相呼樂有朋。但願有情都念佛。歸仁端合向西行。

仲夏借易兄朋姪遊茶培山聽松菴俄而淨覺兒友蓮姪均至

一勺山泉供佛茶。散將詩句比天花。家中作飯庵中喫。滿座松風勸客加。
嶺葉當如塵念掃。山花但聽土人名。願將幽徑松風意。化作人天頌佛聲。
掃葉通雲徑。烹泉敞寺扉。兒曹添韻事。鋤得石英歸。

念佛

念佛心最佳。非靜亦非動。我信寶蓮花。真能隨地湧。

偶感

溪雲隨意淡。園柳有情垂。孰是自家事。蓮經一念持。

種竹正爲醫俗士。讀書端要念蒼生。閒從秋水斜暉外。貪看遠山青復青。
竹邊看笋有慈意。樓上聞鐘動遠情。誰向衆生能說法。只嚴一念徧惺惺。
爭出風頭林下筍。難藏馬脚水邊沙。試看妙手空空者。不數仙家數佛家。

我執未除。何況法執。故尚在輪迴生死中也。

柳條垂碧波如鏡。竹屋詩人過小橋。四面好山樓上佛。人間何處更逍遙。
翠羽度溪雙影豔。白雲映竹兩心虛。因緣會合非非有。十界由來夢幻如。

首句喻我執、次句喻法執、惟佛能空二執、仙家

須向眼前開闊路。毋令荆棘礙人行。不夷不惠時中聖。一段春風點瑟情。
三月九日偕有朋松竹樓上卽事

汝讀蓮經我作詩。此中樂趣幾人知。窗前綠柳低頭聽。枝上黃鶯不肯飛。
寒食日偶吟

溪外青溪重繞樓。樓頭豁我看山眸。閒中富貴無人問。細嚼園茶盡一甌。
春風招我上高樓。佛在樓中百不愁。心到定時纔發慧。鳥啼花笑樂悠悠。
看竹悟心體不變。隨緣隨緣不變之妙

默爾無言心本虛。貪瞋癡意不關渠。隨風搖曳非爲病。勁節森森氣有餘。
暑朝清遊偕易兄朋姪傳兒

碧池共賞紅蓮朵。又聽黃鸝轉法華。心似虛舟猶覓渡。寶林聊當出家家。
江灣濱溪公園

八百年來此定居。蕭梁佛事未應虛。寶林若把西湖比。水欠些些山有餘。
水竹居

竹有君子心。水惟智者樂。清溪主人淡若水。以竹爲師得所學。

贈念乾子游有維居士

人人有路透長安。千里毫釐辨最難。早起下床無錯路。有維十八歲。從易園兄學。亦趨亦步學愚顏。

法 海 潮 音

有維賢姪壻慧鑒。昨接手書。得悉印陽復齋集已舉辦。同鄉鄭孫諸公。不吝巨資。篤信佛儒。令人忻慰無量。鄭公對於賢者深表欽佩。家兄之學術。庶幾其能發揚普及歟。東坡山谷佛印。皆爲佛法而來。香火因緣。當非虛語。再佛光社社刊。前曾出至第四期。此後南通上海宏化事迹。當復不少。而家間亦略有可採者。此事如諸公皆贊同。印行第五冊。則佛光社之光氣又一振矣。但採集編輯之責。非賢莫屬。想亦具有同情也。專此致復。卽頌禪樂。

蔭園謹復 丁亥秋八月八日

游有維居士詩

陽復子加園評定

性海清漚集詩選自序

樂天不怨臧倉沮。知命何尤公伯寮。願抱遺經秦火後。海濱耕讀樂逍遙。
鸚樂蓬蒿蝸搶榆。豈如鵬志向南圖。斯文不振斯民苦。荷蕢應傷擊磬乎。

自述

童聞淨土願生西。十八歡親柳竹棲。樂得三觀諸佛印。專稱六字寶摩尼。靈山泗水知源委。大海高嵩
獲船梯。更稟普賢宣聖願。同歸極樂證菩提。

讚蕩益大師儒釋一宗議寄天津萬國佛儒合一救劫會

羲卦乾坤是易門。堯傳精一執其中。老經雙照觀無有。孔道一心貫恕忠。思述中庸承祖學。孟宣仁義
正儒風。三觀佛印靈山法。儒佛東西此理同。

讀荆溪大師始終心要

三諦天然真俗中。衆生諸佛此心同。空花三惑因迷起。幻藥三觀對病攻。智德證成如夢寶。始終倒正
若迴龍。荆溪心要宏綱舉。萬目齊開萬法通。

敬讚般若波羅密多心經

八部玄談廿二年。心經一卷括真詮。照空照苦雙觀妙。非俗非真兩諦圓。自在觀音同月影。法身般若若似魚筌。經兼顯密圓融義。普願同仁手一編。

印光大師讚

儒佛融通大導師。東西歸化若傾葵。雅言盡分敦倫紀。普教持齋念阿彌。宏化社興光四海。嘉言錄出曉羣迷。再來人抱無窮願。暢佛慈懷末法時。

寄贈天津潘對覺老居士

三觀法爾一心開。空假鴛鴦作聖胎。釋祖拈花迦葉悟。梁皇宏教達摩來。爪鱗具備龍睛活。禪淨兼修虎角魁。再世東坡成合論。何如當世出輪迴。

與張惠邦老居士談心並呈佛七道場諸善友

空生大覺海漚似。滴水皆從海裏來。萬佛原無心外訣。千經且拭鏡中灰。菩提圓滿歸無得。極樂莊嚴盡性財。自性彌陀勤憶念。東西兩土一心賅。

追記易師論讀書明理立行爲作文之本

但讀經書修聖德。須知本立道萌芽。懷胎十月方分娩。種穀三秋始刈禾。蘭菊蓮梅花應節。德言文政教分科。師言今憶知真訣。宣告同倫共揣摩。

讀周易說文

庖犧畫一以開天。蒼頡書文一字先。一是真心萬物母。不生不滅復無邊。

溫讀論孟感時寫懷

孔豈因幡離魯國。孟非干澤作齊臣。攘羊證父原非直。從井援人豈是仁。仲子惡稱廉潔士。匡章非不孝心人。明珠魚目須分別。莫使凡材混聖林。

讀孟子禹稷當平世及曾子居武城兩章

禹平水患憂天下。顏樂簞瓢陋巷中。曾去武城師望重。思居衛國盡臣忠。行藏隱顯隨時異。先後仁賢易地同。素位而行皆自得。自非慧眼孰圓通。

孔子曰朝聞道夕死可矣

大道朝聞夕死可。可知浪死苦難量。千生六道皆危路。一念橫超是樂邦。四土九蓮分接引。十方諸佛共稱揚。聖賢十代生西譜。一句彌陀作寶航。

丙子臘月三十日

末日臨頭告衆知。人人各有命終時。常將惡業勤心懺。莫待閻君發帖追。三界橫超惟淨土。九華普接到蓮池。羣魚淺水應惶惕。淨業熏修莫滯遲。

春來自勉寄杭州吳山佛學苑

冰雪三冬寒徹骨。春來方有萬花開。世間出世諸賢聖。各各皆從苦裏來。

夏夜有感

夏夜蚊聲聚若雷。寥寥蛙鼓一時開。侵晨日出諸星沒。念佛心澄妄念灰。富貴浮雲懷孔聖。簞瓢樂道慕顏回。西方垂手慈悲父。十劫慇懃待我來。

秋園晚遊

秋園蕭瑟噪慈鴉。昔日今時莫嘆嗟。世樂無常同昨夢。人身不實等空花。生天畢肖飛空鳥。入獄渾如墮海沙。一陣西風吹耳過。回觀落日法王家。

拾棉花有感時在南通三餘鎮

三春播種得秋收。因果天然敢妄求。但問耕耘懷往訓。專修天爵莫他謀。深源自有長流水。上達全憑下學舟。莫謂蓮邦真性具。須知顯發在圓修。

途中自勉勉行人

開眸四顧始登程。目足偏施禍害生。思學兼修遵孔訓。知行並進稟陽明。雙嚴二諦蓮花勝。不落偏空佛果成。遠道家鄉當奮勇。身心莫息法天行。

癸酉仲夏暑氣炎。炎隨易師避暑靈山碧雲菴。至仲秋月初始歸。丁丑追憶記之以詩 六首

百里羣山獨占魁。碧雲先兆慕公來。天然四景真奇妙。東土靈山應運開。
隨師避暑入山居。到此清涼熱惱除。松下經臺風作扇。天天往讀佛陀書。
夜暗遲遲早曙先。山中別有一層天。不聞鳥語無蚊擾。月下山豬到寺前。
朝看雲海晚看霞。妙畫隨風變幻多。最好夕陽金紫裏。諦觀極樂法王家。
住持老媪健而康。戴月披星種菜忙。夜半佛聲悲墮淚。靈山爭得似西方。
龍泉淨煮香蔬飯。三月餐嘗不忍歸。轉念寒冬冰雪至。歸來爭看住山肥。

上父大人

莫憚西方萬億程。橫超一念不勞行。至心信願真堅固。十念臨終決得生。

暮春悼母懷父寄兄弟

春光雖去年年復。慈日西歸不復來。老父在堂當孝養。王哀無補蓼莪哀。

示六弟有藝

真心本正非修得。善惡皆從意念生。炯炯良知原不昧。務須格物致其誠。
莫謂道高不可幾。聖凡同具此良知。人人皆可爲堯舜。孝弟親仁是道基。

自警

輪迴路上不知年。慶我今生遇大仙。箭射虛空終墮落。沙蒸塵劫卒依然。焚堂燕雀休貪樂。刀蜜財名莫戀甜。樂國指鍼西日是。橫超六字法身船。

又

嘉肴美味食方知。弗食空談腹永飢。一恕能行終可矣。千詩不達亦奚爲。阿難廣學難聞性。周利雖愚得義持。我病貪求今識藥。諸經不及念阿彌。

自策四首

人之患在好爲師。大道皆從驕失之。江海下居王百谷。佛儒德業在謙卑。君子終食不違仁。學問無他求放心。念念彌陀無妄念。志仁無惡是南鍼。學道彈琴喻甚明。急絃聲絕緩無聲。勿忘勿助心蓮長。一暴十寒未有成。純冕不妨從衆儉。去齊寧似魯遲遲。義之與比無偏執。孔聖時中萬世師。

賞蓮

我爲慕君懷茂叔。東林學派幾人知。欣予儒佛歸依早。痛彼韓歐悔悟遲。濁世文人無正眼。靈峯宗論是明師。願分泗水栽蓮種。一句彌陀普攝持。

小學三字經注解自題

童年好讀聖賢書。慈父賢兄善誘予。十八從師陽復子。佛儒光裏得明珠。
歸農歸佛來東海。兄弟融融畎畝親。幸野南陽無此樂。靈峯座下聽圓音。
儒佛同宗莫隔分。俗儒門外判西東。此經善悅兒童口。四衆同參不二門。
滔滔劫禍空前古。儒佛分家種此因。欲挽狂瀾無別法。此經此解布人人。

詩贈南通光明樓學易諸君子

儒家周易佛華嚴。由佛開儒儒更圓。四聖談心傳妙諦。韋編三絕幾心傳。

古奇文，但儒說簡而隱，佛說詳而圓，以圓明之佛眼，讀簡奧之儒經，如戴不顯微鏡，觀掌上紋，不知省却多少眼力，此東坡所謂吾惟學佛，然後知儒，故讀易者，不可不讀華嚴經楞嚴經及大乘起信論也。

無極真心太極母。一心寂照肇陰陽。乾坤卦卦隨緣變。兩卦文言獨放光。

如妙諦，發明太極本無極之學說，曾著太極圖說行世。先岳父江壽涯禪師，悟心易一太極圖說補。一見儒佛合一救劫篇。無極真如之心，太極無明之念。陰陽以佛理，念之寂照也。寂為不變之乾體，照為隨緣之坤用。易六十四卦，皆乾坤全體所起，隨緣之大用也。故孔聖獨於乾坤二卦，繫以文言。先岳父復為二卦圓解，以暢通之，真易門之寶鑰也。（見救劫編）

象辭說卦象昭然。座右書銘共勉旃。趨吉避凶何卦好。六爻皆吉在謙謙。

易經一卦之象辭，語義警闢。不慧學易時，嘗集

六十四卦之象辭。書作座右銘讀之。

解易紛紛有折中。大乘禪解更圓融。金磚休執傳心寶。聊借諸君敲易門。
御纂周易折中自漢洎清之諸家精義悉集錄

一編而會通之世間易理歎觀止矣。明萬益大師之周易禪解而忘却敲門之用也。最爲空前之作學者當知易之注解喻敲門磚幸勿依文解義玩磚而忘却敲門之用也。

詩序陽明致良知學

佛性良知儒佛融。聖凡一體此心同。致知之外原無學。一念圓修空假中。

佛言。衆生皆有佛性。儒言。聖凡同具良知。名異理同。佛傳空假中一心三觀之心印。卽儒門致良知之極則。

漢學支離偏訓詁。宋儒理學病虛無。陽明三字真心訣。孔孟由來一聖儒。

宋儒程朱專窮物理。詆佛法。謂「無鬼神。無因果。一善無以勸。惡無以懲。印光法師嘗痛言之。明陽明先生專提致良知三字。爲作聖真訣。蓋取孟子所謂良知。合孔子大

致知爲致良知之學說。直接孔孟之心傳。誠聖門正法眼藏。故孔孟後不可無陽明先生。萬益大師讚爲顏子復生。非虛語也。

剿寇安邊不費時。行軍講學日如之。致良知學親民本。遺教昭昭百世師。

王陽明先生晚年剿撫安邊。不時奏捷。行軍擾攘。講學不渝。著有王文成公全集行世。誠內聖外王之正學。先岳父特精選集中闡述良知諸作。錄爲陽明致良知學簡本。

主持師範契陽明。重振斯文訓後生。四十年來歸佛海。一宗儒佛鑄書成。

先岳父陽復子。因主持通州師範。得契陽明良知學說。學風爲之整肅。後繼辦南京高等師範。俱以陽明傳習錄授諸生。王學爲之一振。四十歲後因病學佛。復契靈峯儒佛

一宗之說。著述凡十七種。名陽復齋叢刊。俱行世。

滬濱示寂預留詩廿載修持實證知。建學印書無盡願。天留後死責何辭。

先岳父壬午夏捨報滬寓。生西瑞相甚多。而先數日親書往生詩一律。尤為難得。此可證二十年來自修度人之工夫篤實。故能超凡入聖。而視死如歸。惟靈峯學社未成。陽願後死者當勉之。

三餘兩度歎餘生。五月通城應講經。天假閒緣遊海上。遺書四種樂刊行。

南通三餘鎮。春夏兩度戰禍。長兄死焉。余幸脫險。天豈有造於余乎。避寓通城。應各法會講經。凡五閱月。秋初赴滬。訪同邑鄭鑑源孫子荊諸公。談印書事。乃蒙不吝巨資。將先岳父遺著四種。完全付梓。屬專任校勘。以速其成。法緣厚德。感念奚如。

下榻鄭公善會居。謹循遺目續成書。良知無隔師猶在。一段春光萬古如。

鄭公鑑源。崇佛好施。留余下榻。其所主之同濟善會。清淨莊嚴。精修佳處。爰循先岳父遺著。陽明致良知學編目。潛心考索。編錄成書。書中詩文之選。先岳父編目未詳。余父致良知之編輯指要。合則選之。續成完璧。以滿先岳父數十年崇敬。陽明宏揚聖學之餘願。庶不負大劫中佛天再造下愚之至意。

三字工夫融六字。卽儒卽淨好修持。一宗儒佛天然合。世界和平此導師。

淨土專念南無阿彌陀佛六字。洪名之超凡入聖妙法。卽陽明致良知圓滿究竟之道。則儒淨雙修。功高易進。誠能天下共宏此法。正人心。修慈善。開世界。永久和平之大道。舍此更無良導矣。

詩序儒佛一宗主要課講義

儒佛同心不可分。小儒小佛妄分門。千年學案憑誰破。天出靈峯定一宗。

至善真心。聖凡一體。此心用於經世。即儒。此心用於超世。即佛。一而二。二而一。合而爲心。一宗不可分也。明靈峯蕩益大師。始倡儒佛一宗學說。

儒佛同心體用同。三觀不異一精中。致知集義明明德。同是求仁念佛門。

儒門陽明致良知。孟子集義。孔子明德。堯舜禹精一執中。諸學說。皆不外佛門天台宗空假中一心三觀。淨土宗一心念佛法門。

儒佛同心况佛門。天台少室莫分宗。三觀共證禪心妙。禪妙由來空假中。

空假中一心三觀。爲三世諸佛心印。天台智者之教觀。少室達摩之參禪。皆以是爲準則。

儒佛同心儒亦同。紫陽何異象山宗。從心問學能尊性。尊性寧忘問學功。

儒門朱紫陽學。主道問學。陸象山學。主尊德性。一是全性起修。一是全修顯性。同是孔門聖學。

儒佛同心共盛衰。一家互助莫疑猜。懷珠乞食窮當變。且看歸儒學佛來。

儒佛兩教。合則雙美。離則兩傷。佛教昌明而儒教益顯。嗟我國士。懷寶迷邦。亡羊補牢。不可緩也。

儒佛同心共正心。如何心亂可安民。從來學正民心正。一體良知貫古今。

世亂由心亂也。心亂由學亂也。佛儒正學。平心亂也。心亂得治。自然各修其。身而世界和平。蓋良知之心。世人所同。心同此理。古今不變。但須講佛儒之學。以明之。如暗室千燈。電至俱明。此孔聖講學釋尊說法之宏願也。

儒佛同心教學同。普賢孔聖願心通。華嚴大學同歸淨。儒淨雙修契一宗。

孔聖大學不厭教不倦之願。與普賢十願。同是悲智雙修。華嚴結歸普賢十願導歸極樂。大學示明明德親民止於至善。念佛求生極樂。即止於至善之無上聖因也。

佛同心師證知。學宗漢益箬文詩。靈峯學社千秋願。繼往開來共勉之。

先岳父陽復師。二十年來服膺漢益大師。儒佛一宗學說。著契機契理詩文。宏揚聖學。嘗願籌辦靈峯學社。以光大之。而天不假年。願同願諸君子共勉之。

佛同心學有師。一宗主課教修持。至誠禮誦消諸障。自有開儒見佛時。

陽復師訂儒佛一宗主要課。誠儒佛總持法要。以至誠心禮誦之。自可開圓解證。圓心生則平心亂。而家國安寧。歿則了生死。而上品往生。

佛同心主要課。海濱講義淺而深。自慚鈍筆難傳妙。普願同心共印心。

辛巳夏。師宣講此課妙義於南通三餘儒佛專修館。命維筆記成講義一冊。一宗妙理。吐露無遺。誠統理思想唯一之學術。為救國救世普度之慈航。

詩跋東坡禪學詩文要解

古奇緣遭佛印。易公始識是坡公。詩文禪學重開解。普引禪流入淨門。易公為東坡禪學詩文作要解。

自慚山谷列東床。十載春風萬古香。收拾儒禪歸淨土。一心六字是慈航。

清乾嘉年間。南通呂四碧雲寺。木道人祖師。年來應機降筆。頗著靈異。廣結法緣。易公撰祖師新傳。有維嘗叩以師與易公之宿緣。蒙示云。一道人為宋佛印。易公即坡公。君黃山谷也。法深甚深。千古奇遇。宋後之緣。恕不贅述。蓋木不喜談過去。今破格之答。聊博一粲而已。一維隨學。易公十載。忝列東床。得師開示。宿緣深慮。生死去。今輪迴可怖。而專修淨土之願。益堅矣。

法 海 潮 音

有維居士慧鑒。日昨奉上題令岳丈遺箸三種詩稿。文字欠當。故再推敲。略改數字。茲命學者錄呈。不當之處。尙希

郢正爲荷。專此順頌時安。

圓瑛謹啓七月二十五日

有維居士慧鑒。今接來函。悉知所編令岳丈遺箸陽明致良知學告成。堪爲慶幸。再閱所撰詩序八絕。詞句盡妙。義理精微。以作致良知學詩序。可謂錦上添花矣。囑題詩。以病軀尙未恢復。實難從命。希原諒之。卽頌撰安。

圓瑛謹復八月十七日

來書具悉。請在本月十三日(星期一)下午三時。惠臨敝寓一談。若嫌道遠。可於十四日上午十時半。至施高塔路歐陽路光華大學文學院會晤。爲盼。此復有維我兄。

蔣維喬八月二十六日

普爲助資諸大德回向祝願曰

祝願中華民國。
乃至世界諸邦。
政府宏揚儒佛。
全國歸依三寶。
三寶威神加被。
內災外患消除。
人人安居樂業。
各各念佛持齋。
修身齊家治國。
乃至天下太平。
普與法界衆生。
同生西方極樂。

歡迎翻印

中華民國三十六年九月初版一千本

△陽復齋詩偈三集▽

著述者 江 謙

校閱者 游 維

承印者 百宋鑄字印刷局

流通處 上海佛學書局

藏版處 靈峰正眼印經會

上海河南路景興里
慎源茶葉公司

上海浙江路六八九號
電話九二九八八
愚園路一四五號

2
301108
37

2
11/28